



口仁 18
2797
55-53



仁 2797 55-53



春秋四傳卷之三十一

昭公三

癸酉 景王十有四年 晉昭四。齊景二十。衛靈公七年。蔡平二。鄭定二。曹武

哀九。楚平王居元年。吳夷末十六。

春意如至自魯 左傳尊魯罪已也。魯罪已。禮也。穀梁傳大夫執則致致。

則名。意如。惡。然而致。見君臣之禮也。

胡傳

按左氏季孫猶在晉子服惠伯私於中行穆子曰魯事晉何以不如夷之。小國土地猶大所命能具若為夷棄之使。事齊楚何瘳於晉乃歸季孫其始執之為。乏邾莒之供而非有扶弱擊強之義也。其終歸之為土地猶大所命能具而非有不。

○左傳季孫猶在晉云云親親與大賞秦。罰不所以為盟主也。子其圖之諺曰臣一。主二。臣無木國穆。子其韓宣子曰楚滅。

○林氏曰大夫不致必見執也而後致亦危之也。

陳蔡山能救而為夷
執親將焉用之乃歸
季孫
○至于召陵在定四
年

○叛季氏在十二年

○月朔叛至今九三
年聽子之命令

○張強也言臣非叛
君乃欲強公室弱私
家

能救蔡為夷執親之悔也然則晉人喜怒
皆以利發其勸沮皆以利行違道甚矣故
平丘之會深加貶斥自是而後諸侯不合
二十餘年至于召陵又以賄敗十有八國
之諸侯而書侵楚以譏之於是晉曰益衰
外構內叛不復振矣利之能敗人國家乃
如此春秋
之深戒也

附錄

左傳南蒯之將叛也盟費人司徒老
祁慮突僞廢疾使請於南蒯曰臣願
受盟而疾興若以君靈不死請待間而盟
許之二子因民之欲叛也請朝衆而盟遂
劫南蒯曰羣臣不忘其君畏子以及今三
年聽命矣子若弗圖費人不忍其君將不
能畏子矣子何所不逞欲請送子請期五
日遂奔齊侍飲酒於景公公曰叛夫對曰
臣欲張公室也子韓皙曰家臣而欲張公
室罪莫大焉司徒老祁慮突來歸費亦侯

使鮑文
子致之

三月曹伯勝卒○夏四月

附錄

左傳夏楚子使然丹簡上國之兵於
老疾收介特救災患宥孤寡赦罪戾詰姦
慝舉淹滯禮新叙舊祿勳合親在良物官
使屈罷簡東國之兵於召陵亦如之
好於邊疆息民五年而後用師禮也

秋葬曹武公○八月莒子去疾卒

在位十四
年子郊公

嗣左傳秋八月莒莒著丘公卒郊公不感國人
弗順欲立著丘公之弟庚輿蒲餘侯惡公子
意恢而善於庚輿郊公惡公子鐸而善於意
恢公子鐸因蒲餘侯而與之謀曰爾殺意恢
我出君而納
庚輿許之

○武公卒于平公頃
立

○著丘公卒郊公立
是年奔齊著丘之弟
庚輿立是為共公

○薛嘗在邾蓋升誤

○元年夏邾于華卒
秋葬邾悼公六年春
杞伯益始卒夏葬杞
文公是也

○在桓公時十三年
○昭公與莒子即不
葬莒子與逐昭公之
事

○傳云逃者匹夫之
事

胡傳

卒自外錄者也。莒人來赴，故魯史書其卒葬，自內錄者也。魯人不往，是以闕其葬者，何獨於莒則不往乎？方是時，意如專政，而莒嘗訐其疆，取鄭之罪，於方伯而見執矣。為是怒莒，故獨不會其葬也。夫怨不棄義，惡不忘親，怒不廢禮。在桓公時，雖與衛戰，而宣公卒，則往葬之，不以私故絕吉凶慶弔，往來施報之常禮也。以此見意如之專恣矣。若意如者，其傲很，愆然敢施於昭公，與莒子及其在晉，聞除館西河，則恐懼逃歸，如匹夫何也？小人無禮，喜怒勇怯，不中節，皆若是耳。苟不遠之，其能國乎？

附錄

左傳楚令尹子旗有德於王，不知度，與養氏比，而求無厭，王患之。九月甲午，楚子殺闞成然，而滅養氏之族。使闞辛居鄭，以無忘舊勳。

冬莒殺其公子意恢

左傳冬十二月蒲餘侯奔齊。公子鐸逆，東與於齊。齊隰黨公子鉏送之，有賂田穀。梁傳言公子而不言大夫莒無大夫也。莒無大夫，而曰公子意恢，意恢賢也。曹莒皆無大夫，其所以無大夫者，其義異也。

附錄

左傳晉邢侯與雍子爭，鄒田久而無斷。舊獄罪在雍子，雍子納其女於叔魚，叔魚蔽罪，邢侯怒，殺叔魚，與雍子於朝。宣子問其罪於叔向，叔向曰：「三人同罪，施生戮死可也。」雍子自知其罪而賂以買直，鮒也。鬻獄，邢侯專殺其罪一也。已惡而掠美，為昏墨賊，殺官為墨，殺人不已，惡而掠書，曰昏墨賊，殺臯陶之刑也。請從之。乃施邢侯而尸，雍子與叔魚於市。仲尼曰：「叔向古之遺直也。治國制刑，不隱於親，三數叔魚之惡，不為末減，曰義也。夫可謂直矣。平。」

○是書遺書也

○邢侯楚申公巫臣
之子也。雍子亦故楚
人，言在魯有鄒田之
事。

○夷末卒王僚立

○畧書有事為叔弓卒起也武宮魯武公廟成六年復立之

○芟民曰變謂死喪

○武宮魯武公之廟

○禮記曾子問云諸侯之祭社稷俎豆既陳國天子崩后之喪君薨夫人之喪如之何孔子曰廢引此以証大夫之卒不可廢祭禮之事
○柳莊事見禮記檀弓篇
○禮記禮運云合於義順於情則禮雖先王未之有可以義起

丘之會數其賄也。以寬衛國。晉不為暴歸魯季孫稱其詐也。以寬魯國。晉不為虐。邢侯之獄言其貪也。以正刑書。晉不為頗。三言而除三惡。加三利。殺親益榮。猶義也。夫
甲 景王十有五年 晉昭五。齊景二十一。衛靈入。蔡平三。鄭定二。曹平公須元年。陳惠三。杞平九。宋元五。秦哀十。楚平二。吳夷末十七卒。

春王正月吳子夷末卒公作夷昧○二月癸酉有事于武宮齋入叔弓卒去樂卒事

左傳春將禘于武公

戒百官。梓慎曰禘之日其有及乎。吾見赤黑之禘。非祭祥也。喪氣也。其在血事乎。二月癸酉禘。叔弓泣事。齋入而卒。去樂卒事。禮也。公羊傳其言去樂卒事何。禮也。君有事于廟。聞大夫之喪。去樂卒事。大夫聞君之喪。攝主而往。大夫聞大夫之喪。尸事畢而往。穀梁傳君

在祭樂之中聞大夫之喪則去樂卒事禮也君在祭樂之中大夫有變以聞可乎大夫國體也古之人重死君命無所不通

胡傳左氏曰禘于武宮叔弓泣事齋入而喪則去樂而祭可乎。按曾子問君在祭不得戒禮者夫子語之詳矣而無有及大臣者。是知祭而去樂不可也。有事於宗廟遭大夫之變則以聞可乎。按禮衛有太史柳莊寢疾君曰若疾革雖當祭心告是知祭而以聞不可也。禮莫重於當祭。大夫有變而不以聞則內得盡其誠敬之心於宗廟外全隱恤之意於大臣。是兩得之也。然則有事於宗廟大臣泣事齋入而卒於其所則如之何。禮雖未之有可以義起也。有事於宗廟大臣泣事齋入而卒於其所去樂卒事其可也。緣先祖之心見大臣之卒必

世將言禮之由變故
先發此

○林氏曰朝其不遠
護人所以見逐而書

○朝吳公羊作昭吳

○費姓無極名楚人
朝其有功於平王故
無極恐其有寵而疾
害之

○後亡也建平王之
太子也

○連尹奢即伍奢也

○昭公二十七年沈
尹戌云屏王耳自使
不聽明云

○入郢在定公四年

○林氏曰堂狄晉矣
荀吳何以無貶於初
伐貶餘實錄而已爾

聞樂不樂緣孝子之心視已設之饌必不
忍輕徹故去樂而卒事其可也宗廟合禮
者常事不書苟以為可則春秋何
書乎此記禮之變而書之者也

夏蔡朝吳出奔鄭朝公作昭無出字左傳楚

欲去之乃謂之曰王唯信子故處子於蔡子
亦長矣而在下位辱必求之吾助子請又謂
其上之人曰王唯信吳故處諸蔡二三子莫
之如也而在其上亦難乎弗圖必及於難
夏蔡人逐朝吳朝吳出奔鄭王怒曰余唯信
吳故實諸蔡直微吳吾不及此女何故去之
無極對曰臣豈不欲吳然而前知其為人之
異也吳在蔡蔡必速飛去吳所以翦其翼也
胡傳朝吳蔡之忠臣雖不能存蔡而能復
能封之也棄疾以其忠於舊君而信之使
居舊國可謂知所信矣則豈為出奔費無

極害其寵也無極楚之讒人夫朝吳出蔡
侯朱喪太子建殺連尹奢屏王耳自使不
聰明卒使吳師入郢辱及宗廟讒人為亂
可不畏乎為國有九經而尊賢為上勸賢
有四事而去讒為首志朝吳出奔而入郢
之師兆矣然朝吳身居舊國處危疑之地
苟有讒之者則王不能無動也能以忠信
自任而杜讒諂之謀則善矣而費無極乃
諛之曰子亦長矣而在下位辱也欲為之
請以名利累其心而莫之覺不覺亦甚矣
故特書其出奔以
罪吳為後戒也

六月乙巳朔日有食之

附錄

左傳六月乙丑王太子壽卒
秋八月戊寅王穆后崩

秋晉荀吳帥師伐鮮虞鮮虞圍鼓鼓人或請

賈猶賈也得一邑而賈人之怠惰

滅潞氏在宣十五年

滅甲氏在宣十六年

再伐鮮虞前十二年嘗伐至此又伐

胡傳

晉滅潞氏甲氏及再伐鮮虞皆用大夫為主將而或稱人或稱國或稱其

滅潞氏荀林父也滅甲氏孫晉人謂其偽會齊師假道鮮虞遂入晉陽又以伐鮮虞也

林氏曰平丘會公不與盟季孫見執今既得免故往謝之

冬公如晉

左傳十一月晉荀躒如周葬穆后籍稱入見利忘義而以狄道欺詐行乏則稱國以正兵加敵而不納其叛臣則稱名氏夫稱其名氏非褒之也纒免於貶爾而春秋用兵禦狄之畧咸見矣

附錄

左傳十一月晉荀躒如周葬穆后籍談為介既葬除喪以文伯宴樽以魯壺王曰伯氏諸侯皆有以鎮撫王室晉獨無有何也文伯揖籍談對曰諸侯之封也皆受明器於王室以鎮撫其社稷故能為王室王靈不及拜我亦暇其何以獻器王曰叔氏而忘諸乎叔父唐叔成王之母弟也其反無分乎密須之鼓與其大路文所以大惠也闞鞏之甲武所以克商也唐叔受之以處參虛匡有戎狄其後襄之二路

○三有周人也其二
一晉為大夫
辛之後亦以世功
為董氏董狐其後也

○今忘其經常而徒
作言語舉引典故將
安用此多言舉典為
哉

鍼鉞和鬯形弓虎賁文公受之以有南陽
之田鎮撫東夏非分而何夫有勲而不廢
有績而載奉之以土由撫之以彝器旌之
以車服明之以文章子孫不忘所謂福也
福祚之不登叔父焉在且昔而高祖孫伯
廙司晉之典籍以為大政故曰籍氏及辛
有之二子董之晉於是乎有董史女司典
之後也何故忘之籍談不能對賓出王曰
籍父其無後乎數典而忘其祖籍談歸以
告叔向叔向曰王其不終乎吾聞之所樂
必卒焉今王樂憂若卒以憂不可謂終王
一歲而有三年之喪二焉於是乎以喪賓
喪又求彝器樂憂其矣且非禮也彝器之
來嘉功之由非由喪也三年之喪雖貴遂
服禮也王雖弗遂宴樂以早亦非禮也禮
王之大經也一動而失二禮無大經矣言
以考典與以志經忘經
而多言舉典將焉用之

乙亥 景王十有六年 晉昭六年卒齊景二十二
衛靈九蔡平四鄭定四

曹平二陳惠四杞平十宋元六
秦哀十一楚平三吳僚元年

春

附錄

左傳春王正月公在晉
晉人止公不書諱之也

齊侯伐徐 左傳二月丙申齊師至于蒲隧徐
人行成徐子及鄰人皆人會齊侯

盟于蒲隧賂以甲父之鼎叔孫昭子曰諸侯
之無伯言哉齊君之無道也與師而伐遠方
會之有成而還莫之亢也無伯也夫詩曰宗
周既滅靡所止矣正大夫離居莫知我肆其
是之 ○楚子誘戎蠻子殺之 公作戎曼左傳
謂仲 ○楚子誘戎蠻子殺之 楚子聞蠻氏之
亂也與蠻子之無質也使然丹誘戎蠻子嘉
殺之遂取蠻氏既而復立其子焉禮也公羊

○戎蠻子嘉也不名
名之則疑于蔡侯般

○齊景有志於代興
也

傳楚子何以不名夷狄相誘君子不疾也曷為不疾若不疾乃疾之也

○十年楚子虔誘蔡侯般此誘戎蠻子
○蓋三書各平王不書名

○中國陳蔡也

○蔡與戎蠻實夷夏不同而處乘疾執心亦異此名與不名之別也

○蔡靈侯書名蠻子不書名

○質信也言蠻子素失信於人為罪而殺之

○蔡般之罪重而蠻子嘉之罪輕也

胡傳

楚子之誘一也或名或不名者處欲滅中國而棄疾討蠻氏謹華夷之辨也蔡侯與蠻子之見殺一也或名或不名者蔡般弑父與君蠻氏亂而無質其罪之輕重亦差矣

附錄

左傳三月晉韓起聘于鄭鄭伯享之
子產戒曰苟有位於朝無有不共恪
孔張後至立於客間執政禦之適客後又
禦之適縣間客從而笑之事畢富子諫曰
夫大國之人不可不慎也幾為之笑而不
陵我我皆有禮夫曾鄙我國而無禮何以
求榮孔張失位吾子之恥也子產怒曰發
命之不衷出令之不信刑之頗類獄之放
紛會朝之不敬使命之不聽取陵於太國
罷民而無功罪及而弗知僑之恥也孔張
君之昆孫子孔之後也執政之嗣也為嗣

○受服謂君祭以肉賜大夫
○婦服謂大夫祭婦肉於公皆社之成祭也

○宣子即晉韓起有玉環宣子有其一鄭商有其一故宣子欲得而雙之

大夫承命以使周於諸侯國人所尊諸侯所知立於朝而祀於家有祿於國有賦於軍喪祭有職受服歸服其祭在廟已有著位在位數世世守其業而忘其所僑焉得耻之辟邪之人而皆及執政是先王無刑罰也子寧以他規我○宣子有環其一在鄭商宣子謁諸鄭伯子產弗與曰非官府之守器也寡君不知子大叔子羽謂子產曰韓子亦無幾求晉國亦未可貳晉國韓子不可偷也若屬有讓人交鬪其間鬼神而助之以與其凶怒悔之何及吾子何愛於一環其以取憎於大國也蓋求而與之子產曰吾非偷晉而有一心將效事之是以弗與忠信故也僑聞君子非無賄之難立而無令名之患僑聞為國非不能事大乎小之難無禮以定其位之患夫大國之人令於小國而皆獲其求將何以給之共一否為罪滋大大國之求無禮以所之

○桓公鄭始封君鄭本在周畿內桓公東遷并與商人俱來

何厭之有吾且為鄙邑則失位矣若韓子奉命以使之求玉焉貪淫甚矣獨非罪乎出玉以起二罪吾又失位韓子成貪將為請子產對曰昔我先君桓公與商人皆出百周庸次比耦以艾殺此地之蓬蒿藜藿而共處之世有盟誓以相信也曰爾無我叛我無強賈毋或句奪爾有利市寶賄我勿與知恃此質誓故能相保以至于今今吾子以好來辱而謂敝邑強奪商人是教敝邑背盟誓也母乃不可乎吾子得玉而失諸侯必不為也若太國令而共無成敢私布之韓子辭玉曰起不敏敢求玉以徽一罪敢辭之○夏四月鄭六卿餞宣

○野有蔓草詩鄭風取其邂逅相遇適我願兮
○言鄭別於唐之羔裘也

○六詩皆鄭風故曰不其鄭志
○周頌我將詩取其日靖四方我其夙夜畏天之威云云

○三三春公收晉

子于郊宣子曰二三君子請皆賦起亦以知鄭志子籛賦野有蔓草宣子曰孺子善哉吾有望矣子產賦鄭之羔裘宣子曰起不堪也子大叔賦褰裳宣子曰起在此敢勤子至於他人乎子大叔拜宣子曰善哉子之言是不有是事其能終乎子游賦風雨子旗賦有女同車子柳賦蘹兮宣子喜曰鄭其庶乎二三君子以君命既起賦不出鄭志皆昵燕好也二三君子數世之主也子產拜使五卿皆拜曰吾子靖亂敢不拜德宣子私覲於子產以玉與馬曰子命起舍夫玉是賜我玉而免吾死也敢不藉手以拜

夏公至自晉

左傳子服昭伯語季平子曰晉卿強而奢傲將因是以習習實為常能無卑乎平子曰爾幼惡識國

○三年春公如晉自郊勞至贈賂無失禮○此一得見

○困卦名澤上水下為困

○憤者心求通而未得之意排者口欲言而未能之貌易曰天行健君子以自強不息

○爻少康衛又公見左傳

○越勾踐燕昭二見史記

○昭公卒于頃公去疾亡

胡傳

左氏曰公如晉平丘之會故也至是始歸者晉人止公其不書諱之也昭公數朝于晉三至于河而不得入兩得見晉侯又欲討其罪而止旃其困辱亦甚矣在易之困曰困亨者因困窮而致亨也夫困於心衡於慮而後得徵於色發於聲而後喻此正憤排自強之時而夏少康衛文公越勾踐燕昭主四君子者由此其選也今昭公安於危辱無激昂勉勵之志即所謂自暴自棄不可與有為而人亦莫之告矣不亦悲乎諱而不書深貶之也

秋八月己亥晉侯夷卒

左傳秋八月晉昭公卒

○九月

大雩

左傳

附錄

左傳鄭大旱使屠擊祝款堅柎有事於於桑山斬其木不雨子產曰有事於

○三月而葬

季孫意如如晉冬十月葬晉昭公

左傳冬十月葬晉昭公平子曰子服回之言猶信于服氏有子哉

丙子十有七年

晉頃公去疾元年齊景公卒

鄭定五曹平三陳惠五杞平十一宋元七秦哀十二楚平四吳僚二

春小邾子來朝

左傳春小邾穆公來朝公與之燕季平子賦采芣穆公賦

善者我昭子曰不

○夏六月甲戌朔日有食之

食之

左傳祝史請所用幣昭子曰日有食之天子不舉伐鼓於社諸侯用幣于社伐

鼓於朝禮也平子禦之曰止也唯正月朔慝未作日有食之於是乎有伐鼓用幣禮也其

○小雅采芣詩取其君子來朝

不矣滅不書大夫者
吳也吳無大夫也

○史記天官書云心
為明堂大星天主前
后星子屬五行志云
心為天子之象也天
文志云心三星天王
正在也中星曰明堂
天子位為大辰前星
為太子后星為庶子

○王氏曰心者天子明堂布政之官亦為學藝者邪亂之氣掃故置新之象也心大火也

○王猛景王適子

○子朝景王庶子

○至二十六年天王

入于成周是為敬王

尹氏召伯以下朝奔

楚

○哀十七年越伐吳

敗吳於笠澤二十年

圍吳二十二年滅吳

○長岸楚地○吳楚
始畫戰自是楚復書
入君臣而見經者十
八年吳入郢矣

戎狄別內外之義也與關王服遠以圖強
霸則異矣然舉其名氏非褒詞也纔得無
敗耳則窮兵於遠虛內事外者可知矣

冬有星孛于大辰

左傳有星孛于大辰西及

新也天事恒象今除於火出必極焉諸侯
其有火災乎梓慎曰生年吾見之是其徵也
火出而見今茲火出而章必火入而伏其居
火也火矣其與不然乎火出於夏為三月於
商為四月於周為五月夏數得天若火作其
四國當之在宋衛陳鄭乎宋大辰之虛也陳
大皞之虛也鄭祝融之虛也皆火房也星孛
及漢漢水祥也衛顛頊之虛也故為帝立其
星為大水水火之牡也其以丙子若壬午作
乎水火所以合也若火入而伏必以壬午不
過其見之月鄭裨竈言於子產曰宋衛陳鄭
將同白火若我用瓊華玉瓚鄭必不火子產
弗與公羊傳孛者何慧星也其言乎大辰何

在大辰也大辰者何大火也大火為大辰伐

為大辰北辰亦為大辰何以書記異也穀梁

胡傳

大辰心也心為明堂天子之象其前

適庶將分爭也後五年景王崩王室亂劉

子單子立王猛尹氏召伯立子朝歷數載

而後定至哀十三年有星孛于東方不言

宿名者不加宿也當是時吳人僭亂馬陵

楚人及吳戰于長岸

左傳吳伐楚陽句為令

日我得上流何故不吉且楚故司馬子魚
請敗上令曰魴也以其屬死之楚師繼之尚
大克之吉戰于長岸子魚先死楚師繼之大

○襄王今尹子常也
○陳哲曰按策士奇
林如伍子胥巫臣之
類

○七國皆敗在二十三年七國楚沈胡蔡頓陳許皆敗于吳
○柏舉之戰在定公四年

敗吳師獲其乘舟餘皇使隨人與後至者守
之環而擊之及泉盈其隧炭陳以待命吳公
子光請於其衆曰喪先王之乘舟豈唯光之
罪衆亦有焉請藉取之以救死衆許之使長
鬣者三人潛伏於舟側曰我呼餘皇則對師
夜從之三呼皆迭對楚人從而殺之楚師亂
吳人大敗之取餘皇以歸公羊傳詐戰不言
戰此其言戰何敵也穀梁傳兩夷狄曰敗中
國與夷狄亦曰敗楚人及吳
戰于長岸進楚子故曰戰

胡傳言戰不言敗勝負敵也楚地五千里
帶申數十萬戰勝諸侯威服天下本
非吳敵也惟不能去讒賤貨使費無極以
讒勝囊瓦以貨行而策士奇才為敵國用
故日以侵削至雞父之師七國皆敗柏舉
之戰國破君奔幾於亡滅吳日益強而楚
削矣是故為國必以得賢為本勸賢必以
去讒賤貨為先不然雖廣土衆民不足恃

也攷其所書本末強弱
之由其為後世戒明矣
丁景王二十有八年 晉頃二齊景二十四衛
十一年 靈十一 蔡平六 鄭定六
曹平四卒 陳惠六 杞平十二 宋
元八 秦哀十二 楚平五 吳僚三
春

附錄左傳春王二月乙卯周毛得殺毛伯
過而代之 襄弘曰毛得必亡是昆吾
稔之日也後故之以而毛得
以濟後於王都不亡何待

王三月曹伯須卒 左傳曹
平公卒 ○夏五月壬午宋
衛陳鄭災 左傳五月火始昏見丙子風梓慎
作乎戊寅風甚壬午大甚宋衛陳鄭皆火梓
慎登大庭氏之庫以望之曰宋衛陳鄭也數

○祥變異也言鄭國
遷有大變異

○太官鄭祖廟

○柘廟主石函周廟
厲王廟也

○玄冥水神
○回祿火神

日皆來告曰火神竈曰不用吾言鄭又將火鄭
人請用之子產不可子太叔曰寶以保民也
若有火國幾亡可以救亡子何愛焉子產曰
天道遠人道邇非所及也何以知之竈焉知
天道是亦多言耳豈不或信遂不與亦不復
火鄭之未災也里析告子產曰將有大祥民
震動國幾亡吾身泯焉弗良及也國遷其可
乎子產曰雖可吾不足以定遷矣及火里析
死矣未葬子產使與三十人遷其柩火作子
產辭晉公子公孫于東門使司寇出新客禁
舊客勿出於宮使子寬子上巡羣屏攝至于
大宮使公孫查從大龜使祝史徙主柘於周
廟告于先君使府人庫人各徹其事而周公
徹司宮出舊宮人積諸火所不及司馬司寇
列居火道行火所燬城下之人伍列登城明
日使野司寇各保其徵郊人助祝史除於國
北禳火于玄冥回祿祈于四廟書焚室而寬
其征與之材三日哭國不市使行人告於諸

侯宋衛皆如是陳不救火許不用災君子是
以知陳許之先亡也公羊傳何以書記異也
何異耳異其同自而俱災也外異不書此何
以書為天下記異也穀梁傳其志以同日也
其日亦以同日也或曰人有謂鄭子產曰某
日有災子產曰天者神子惡知
之是人也同日為四國災也

胡傳

按左氏鄭災子產臨事而備至于書
焚室而寬其征與之材三日哭國不
市使行人告於諸侯宋衛皆如是陳不救
火許不用災君子以是知陳許之先亡也
初禱竈言於子產宋衛陳鄭將同日火若
我用權單玉瓚鄭必不火子產弗與及鄭
既災竈曰不用吾言鄭又將火鄭人請用
之子產不可曰天道遠人道邇非所及也
何以知之亦不復火禱竈所言蓋以象推
非妄也而鄭不復火者子產當國方有令
政此以德消變之驗矣是知吉凶禍福固

○集解云書焚室書
其說火之家也與之
初與民新宮建之資
也三日哭火之政三
日哭國不市此則恤
火災之心也
○子太叔曰寶以保
民也若有火國幾亡
可以救亡子何愛焉
子產曰不云竈焉知

天道是亦多言矣豈不誠信遂不與亦不復矣

○鄆小國姓禹之後

有可移之理。古人所以必先入事而後言命也。

六月邾人入鄆左傳邾人將開門邾人羊羅攝其首

焉遂入之盡俘以歸邾子曰余無歸矣○秋從幣于邾邾莊公及邾夫人而舍其女

葬曹平公左傳葬曹平公衞者見周原伯魯

閔子馬曰周其亂乎夫必多有是說而後及其大人大人患失而惑又曰可以無學無學不害不害而不學則苟而可於是乎下陵上替能無亂乎夫學殖也

附錄

左傳七月鄭子產為火故大為社於菟將為菟除子太叔之廟在道南其寢在道北其庭小過期三日使除徒陳於道南廟北曰子產過女而命速除乃毀於而

○得敬天恤民之禮

○問失勤然貌

○十五年楚平王復遷許自夷遷居葉此自葉遷也

冬許遷于白羽左傳楚左尹王子勝言於楚

地以不禮於鄭晉鄭方睦鄭若伐許而晉助之楚喪地矣君盍遷許許不專於楚鄭方有

令政詐曰余舊國也鄭曰余俘邑也葉在楚國方城外之蔽也土不可崩國不可小許不可僭讐不可啓君其圖之楚子說冬楚子使王子勝選詐於析實白羽
戊景王二十有九年 晉頃三齊景二十五衛靈十二蔡平七鄭定七
曹悼公午元年陳惠七杞平十三
宋元九秦哀十四楚平六吳條四

春

附錄

左傳春楚工尹赤遷陰于下陰令尹子瑕城郟叔孫昭子曰楚不在諸侯矣其僅自完也以持其世而已○楚子之在蔡也郟陽封人之女奔之生太子建及即位使伍奢為之師費無極為少師無寵焉欲譖諸王曰建可室矣王為之聘於秦無極與逆勸王取之正月楚夫人羸氏至自秦

○赤工尹各陰楚縣
○伍奢伍舉之子伍員之父為太子建師也
○室妻也言建年長可為娶妻矣平王乃為太子納聘於秦

○蠱邾邑名
○帑妻也
○夫人邾夫人
○向寧向戌子

○悼公弒止奔晉斯立
○歐陽辨二傳論止為莫弒

宋公伐邾 左傳邾夫人宋向戌之女也故向取之乃盡歸邾俘邾人邾人徐人會宋公乙亥同盟于蟲

胡傳

按左氏宋公伐邾圍蟲取之而經不謂聲罪執言之兵歸邾之俘其善意也故書伐邾而釋其取邑之罪此亦善善長惡惡短之義

夏五月戊辰許世子止弒其君買 左傳夏許月戊辰飲太子止之藥卒太子奔晉書曰弒其君君子曰盡心力以事君舍藥物可也穀梁傳曰弒正卒也正卒則止不弒也不弒而曰弒責止也止曰我與夫弒者不立乎其位

○禮記曲禮云君有疾飲藥臣先嘗之親

有疾飲藥先嘗之親

○文王世子云疾之藥必親嘗之

○三者齊戰疾

○季康子魯大夫楊氏曰未達不敢嘗謹疾也見論語註

○而於君父可忽乎責許止也

○故曰以下皆殺祭文嗔喉也止以弒逆之罪自責而傷生也

○二聖子曰墨子兼愛是無父也楊氏為我是無君也無父無君是禽獸也禽獸逼人入人將相食吾為此懼閑先聖之道拒楊墨

○韓子曰古者楊墨塞路孟子辟而闢之廓地也故愈堂推尊孟氏以為功不在禹下者為此也

○孫書陳無字之十子也

以與其弟虺哭泣勸安粥盥不容粒未踰年而死故君子即止自責而責之也

胡傳

按左氏許悼公癯戊辰飲世子止之者醫不服其藥夫子之所慎者二疾居其一季康子饋藥曰兵未達不敢嘗敬慎其身如此也而於君父可勿心乎君有疾飲藥臣先嘗之父有疾飲藥子先嘗之蓋言慎也止不擇醫而輕用其藥藥不先嘗而誤進於君是有忽君父之心而不慎矣自小人之情度之世子弒君欲速得其位而止無此心故曰我與夫弒者不立乎其位哭泣歎飭粥盥不容粒去踰年而卒無此心故被以大惡而不受自君子聽之止不嘗藥是忽君父之尊而不慎也而止有此心忽君父之尊而不慎此篡弒之萌堅冰之漸而春秋之所謹也有此心故加以大惡而不得辭書許世子止弒君乃除

惡於微之意也而或者顧以操刃而殺與不躬進藥及進藥而不嘗二者罪當殊科疑於三傳之說則誤矣必右此言夫人而能為春秋奚待於聖筆乎墨翟兼愛豈其無父楊朱為我豈其無君孟軻氏辭而闢之以為禽獸逼人入人將相食後世推明其功不在禹下未有譏其過者知此說則知止不嘗藥春秋以為弒君之意矣

已卯地震

附錄

左傳楚子為舟師以伐濮費無極言於楚子曰晉之伯也適於諸夏而楚辟陋故弗能與爭若大城城父而實太子焉以通北方王收南方是得天下也王說從之故太子建居于城父令尹子瑕聘于秦拜去人也

秋齊高發帥師伐莒

左傳齊高發伐莒莒子奔紀鄆使孫書伐之初

○寡婦為妾

○老氏曰許君不授
字以師傳使不識
葬之義故累及之

言有婦人首子殺其夫已為妾婦及老託於
紀鄭紡焉以度而夫之及師至則投諸外或
獻諸子古子古使師夜繼而登登者六十人
絕絕師鼓謀城上之人亦謀首共公懼啓西
門而出七月丙
子齊師入紀
○冬葬許悼公
討何以書葬
不成于弒也曷為不成于弒止進藥而藥殺
也止進藥而藥殺則曷為加弒焉耳譏子道
之不盡也其譏子道之不盡奈何曰樂止子
春之視疾也復加一飯則脫然愈復損一飯
則脫然愈復加一衣則脫然愈復損一衣則
脫然愈止進藥而藥殺是以君子加弒焉爾
曰許世子止弒其君買是君子之聽止也葬
許悼公是君子之赦止也赦止者免止之罪
辭也穀梁傳曰卒時葬不使止為弒父也曰
子既生不免乎水火母之罪也羈貫成童不
就師傳父之罪也就師學問無方心志不通
身之罪也心志既通而名譽不聞友之罪也

○范氏曰羈貫謂交
手剪髮以為飾成童
不厭以上

○禮記曰十年出就
外傳

○諺曰聲名藉朋友
即此意也

○上皆言罪而王者
獨言過者王者之尊
不敢以罪言也

○南郊祀天之處見
之南郊言以太子見
之天也

名譽既聞有司不舉有司之罪也有司舉之
王者不用王者之過也許世
子不知尊藥累及許君也

胡傳

何以書葬穀梁子曰不使止為弒父
也其說曰子既生不免乎水火母之
罪也羈貫成童不就師傳父之罪也
就師學問無方心志不通身之罪也
心志既通而名譽不聞友之罪也

而名譽不聞友之罪也名譽既聞有司不
舉有司之罪也有司舉之王者不用王
之過也許世子止不知尊藥累及許君也
觀止自責可謂有過人之質矣乃至以弒
君獲罪此為人臣子而不知春秋之義者
也古者太子自其初生固舉以禮有司端
冕見之南郊過闕則下過廟則趨為赤子
而其教已有齊肅敬慎之端矣此春秋
訓臣子除惡於微積善於早之意也

附錄

左傳是歲也鄭駟偃卒子游娶於晉
大夫生絲鞞其父兄立子瑕子產憎

○大死曰扎，小疫曰
遷，短折曰夭，未名曰
齊此言相繼而死

其為人也。且以為不順，弗許，亦弗止。駟氏
管他曰：絲以告其舅，冬晉人使以幣如鄭，
問駟之之立，故駟氏懼，駟乞欲逃，子產弗
遣，請龜以卜，亦弗許。大夫謀對子產，不待
而對，客曰：鄭國不天，寡君之二三臣，札產
天昏，今又喪我先大夫偃，其子幼弱，其
二父兄懼，隊宗室，私族於謀而立，長親寡
君與其二三老曰：抑天實剝亂，是吾何知
焉？諺曰：無過亂門，民有亂兵，猶憚過之。而
况敢知天之所亂，今大夫將問其故，抑寡
君實不敢知，其誰實知之乎？立之會，君尋
舊盟曰：無或失職，若寡君之二三臣，其即
世者，晉大夫而專制其位，是晉之縣鄙也。
何國之為？辭，客幣而報其使，晉人舍之。
楚人城州來，沈尹戌曰：楚人必敗，昔吳滅
州來，子旗請伐之，王曰：吾未蕪吾民，今亦
如之，而城州來以挑吳，能無敗乎？侍者曰：
王施舍不倦，息民五年，可謂無之矣。戊曰：

○俗諺所謂人有忿
怒於室家而作色於
市人者

吾聞撫民者，節用於內而樹德於外，民樂
其性而無寇讐。今宮室無量，民人日駭，勞
罷死轉忘，寢與食非無之也。○鄭大水，龍
鬪于時門之外，洎淵國人請為祭焉。子產
弗許，曰：我闕龍，弗我覲也。龍闕我獨，何覲
焉？禳之則彼其室也。吾無求於龍，龍亦無
求於我，乃止也。○令尹子弼言蹇由於楚
子曰：彼何罪，該所謂室於怒，市於色者。
楚之謂矣。舍前之忿，可也。乃歸蹇由。

春王正月

○左傳：春王二月己丑，日南至，梓慎望
彈蔡有大喪，叔孫昭子曰：然則戴桓也。汰

○氛氣也

○費無極楚之讒人也進言於楚平王

○此曰字下丁句乃楚平王命奮揚為司馬之辭

○棠君奢之長子尚也為棠邑大夫負即尚弟子晉也

後無禮已甚亂所在也○費無極言於楚子曰建與伍奢將以方城之外叛自以為猶宋鄭也齊晉又交輔之將以害楚其事集矣王信之問伍奢伍奢對曰君一過多矣何信於讒王執伍奢使城父司馬奮揚殺太子未至而使遣之三月太子建奔宋王召奮揚奮揚使城父人執已以至王曰言出於余口入於爾耳誰告建也對曰臣告之君注命臣曰事建如事余臣不佞不能苟貳奉初以還不忍後命故遣之既而悔之亦無及已王曰而敢來何也對曰使而失命召而不來是再知也逃無所入王曰歸從政如他日無極曰奢之子林若在吳必憂楚國蓋以免其父召之彼仁必來不然將為患王使召之曰來吾免而父業君尚謂其弟員曰爾適吳我將歸死吾知不速我能死爾能報聞免父之命不可以莫之奔也親戚為戮不可以莫之報也奔

○縛設諸勇士也見之於公子光

○鄭曹邑董有五帛之使來告故書

死免父孝也度功而行仁也擇任而往知也知死不辭勇也父不可棄名不可廢爾其勉之相從為愈伍尚歸奢聞員不來曰楚君大夫其听食乎楚人皆殺之員如吳言伐楚之利於州于吳公子光曰是宗為戮而欲反其讎不可從也員曰彼將有他志余姑為之求士而鄙以待之乃見縛設諸馬而耕於鄙

夏曹公孫會自鄭出奔宋

鄭莫公反穀作慶公羊傳奔未有言

自者此其言自何畔也畔則曷為不言其畔為公子喜時之後諱也春秋為賢者諱何賢乎公子喜時讓國也其讓國奈何曹伯廬卒于師則未知公子喜時從與公子負芻從與或為主于國或為主于師公子喜時見公子負芻之當主也遂巡而退賢公子喜時則曷為為會諱君子之善善也長惡惡也短惡惡止其身善善及子孫賢者子孫故君子為之

○有子大畧篇云絕
以決反絕以環蓋
環者還也決者決也
以計此為絕復之示
也
○禮記曲禮云大夫
去國逾境為壇位向
國而哭素衣素裳素
冠云云不說人以無
罪云
○曹無大夫八國故
也
○喜時即曹子臧
○在成十三年
○漢武帝封姬嘉成
帝封孔吉宣帝求高
祖切臣子孫失侯者封蕭何子孫之類

○公孟襲雲公兄也
齊豹齊惠之子為衛
冠甲解也

諱也穀梁傳自夢者專乎夢也曹無大夫其
曰公孫何也言其以貴取之而不以殺也

胡傳

待放也古者大夫有罪待放於其境
三年君賜之環則復賜之玦則去逾境則
為位向國而哭素衣裳冠不說人以無罪
此去國之禮曹無大夫其曰公孫賢之也
待放而後出奔臣子常禮免於貶足矣而
何以賢之為公孫賢時之後賢之也言時
者曹之社稷鎮公子能以國讓不取乎為
諸侯所謂子臧是也春秋之義善善也長
惡惡也短善善及子孫惡惡止其身以其
賢者之後苟可善焉斯進之矣此舜典罰
弗及嗣賞延于世之意也後世議者有乞
錄用賢者之類功臣之
世蓋得春秋之旨矣

附錄

定華亥與向寧謀曰亡愈於死先諸

華亥偽有疾以誘羣公子公子問之則執
之夏六月丙申殺公子寅公子御戎公子
朱公子固公孫援公孫十拘向勝向行於
其廩公如華氏請焉弗許遂劫之癸卯取
太子樂與母弟辰公子地為質公亦取華
亥之子啓與華氏盟以為質

秋盜殺衛侯之兄縶

公穀作輒左傳衛公子

郵有役則反之無則取之公子孟惡比官喜褚
師圍欲去之公子朝通于襄夫人宣姜懼而
欲以作亂故齊豹北宮喜褚師圍公子朝作
亂初齊豹見宗魯於公孟為驂乘焉將作亂
而謂之曰公孟之不善子所知也勿與乘吾
將殺之對曰吾由子事公孟子假吾名焉故
不吾遠也雖其不善吾亦知之抑以利故不
能去是吾過也今聞難而逃是僭子也子行
事乎吾將死矣以周事子而歸死於公孟其

○閉門衛門名

○周猶終竟也以終竟事子

○閱曲門及曲門中

可也丙辰衛侯在平壽公孟自事於蓋獲之門外齊子氏帷於門外而伏甲焉使祝肅實戈於車薪以當門使一乘從公孟以出使華齊御公孟宗魯駮乘及閱中齊氏用戈擊公孟宗魯以背蔽之斷肱以中公孟之肩皆殺之公聞亂乘驅自閱門入慶比御公南楚駮乘使華寅乘貳車及公宮鴻駮駮乘于公公載實以出褚師子申遇公于馬路之衢遂從過齊氏使華寅肉袒執蓋以當其闕齊氏射公中南楚之背公遂出演閉郭門踰而從公公如死鳥折朱鉏宵從實出徒行從公齊侯使公孫青聘于衛既出聞衛亂使請所聘公曰猶在境內則衛君也乃將事焉遂從諸死鳥請將事辭曰亡人不佞失守社稷越在草莽吾子無所辱君命實曰寡君命下臣於朝曰阿下執事臣不敢貳主人曰君若惠顧先君之好照臨敝邑鎮撫其社稷則有宗祧在乃止衛侯固請見之不獲命以其良馬

鑿行夜以擊蒙也

○琴張孔子弟子字子開名

見為未致使故也衛侯以為乘馬實將擲主人辭曰亡人之憂不可以及吾子草莽之中不足以及辱從者敢辭實曰寡君之下臣君之牧圍也若不獲拜外役是不有寡君也臣懼不免於疾請以除死親執鐸終夕與於燎齊氏之宰渠子召北宮子北宮氏之宰不與聞謀殺渠子遂伐齊氏滅之丁巳晦公入與北宮喜盟于彭水之上秋七月戊午朔遂盟國人八月辛亥公朝褚師圃子玉霄子高魴出奔晉閏月戊辰殺宣姜衛侯賜北宮喜謚曰貞子賜析朱鉏謚曰成子而以齊氏之墓子之衛侯告寧于齊且言子石齊侯將飲酒徧賜大夫曰二三子之教也死何忌辭曰與於青之賞必及於其罰在康誥曰父子兄弟罪不相及况在羣臣臣敢貪君賜以于先王琴張聞宗魯死將往弔之仲尼曰齊豹之盜而孟縶之賊女何弔焉君子不食姦不受亂不為利疚於回不以回待人蓋不義不犯

春秋左傳卷三十一

三十一

○語意見三十一
年傳名而不得者也

○此傳作於高宗故
以臣言

非禮公羊傳母兄稱兄何以不立有疾也何疾爾惡疾也穀梁傳盜賊也其曰兄母兄也曰衛侯衛侯累也然則何為不為君也曰有天疾者不得入乎宗廟輒者何也曰兩足不能相過齊謂之綦楚謂之蹶衛謂之輒

胡傳左氏以為齊豹殺之也齊豹為衛司寇守嗣大夫其書為盜所謂求名而不得者也若艱難其身以險危太人而有名章微攻難之士將奔走之臣竊以為仲尼書斷此微罪在宗魯宗魯孟縶之驂乘也於法應書曰盜非求名而不得者也天下豈有欲求險危太人之惡名而聖人又斬此名而不與者哉然則齊豹首謀作亂宗魯雖與聞行事又以身死之矣今乃釋豹不誅而歸獄於宗魯不亦頗乎曰豹之不義夫人皆知之也若宗魯欲事豹而死於公孟蓋未有知其罪者故琴張聞其死將往弔之仲尼曰齊豹之盜孟縶之賊汝

○與君爭而出皆書名惡之
○子宋大夫皆元公黨待難出奔
○質信也送三公子
○景公可以自明不叛之信

何弔焉非聖人發其食為受亂蓋不義犯非禮之罪書於春秋則齊豹所畜養之盜孟縶所見殺之賊其大惡隱矣

冬十月宋華亥向寧華定出奔陳寧公作甯左傳宋華

向之亂公子城公孫息樂舍司馬疆向宜向鄭楚建郕申出奔鄭其徒與華氏戰于鬼闕敗于城子城適晉華亥與其妻必盥而食所質公子者而後食公與夫人每日必適華氏食公子而後歸華亥患之欲歸公子向寧曰唯不信故質其子若又歸之死無日矣公請於華費遂將攻華氏對曰臣不敢愛死無乃求去憂而滋長乎臣是以懼敢不聽命公曰子死亡有命余不忍其詢冬十月公殺華向之質而攻之戊辰華向奔陳華登奔吳向寧欲殺太子華亥曰于君而出又殺其子其誰納我且歸之有庸使少司寇恠以歸曰子之齒長矣不能事人以三公子為質必免公子

平公卒太子知立

齊當作疾字之誤

疾也因病變為瘧疾也

襄二十七年

既入華整將自門行公遂見之執其手曰余知而無罪也入復而所

月辛卯蔡侯廬卒廬左

附錄

左傳齊侯疾齊遂瘧期而不瘳諸侯之

公曰吾事鬼神豐於先君有加矣今君疾病為諸侯憂是祝史之罪也諸侯不知其謂我不敬君蓋誅於祝固史嚚以辭賓公說告晏子晏子曰曰宋之盟屈建問范會之德於趙武趙武曰夫子之家事治言於晉國竭情無私其祝史祭祀陳信不愧其家事無猜其祝史不祈建以語康王康王曰神人無怨宜夫子之光輔五君以為諸侯主也公曰據與欵謂寡人能事鬼神故欲誅於祝史子稱是語何故對曰昔有德之君外內不廢上下無怨動無違事其祝史薦信無愧心矣是以鬼神用饗國受其

巫祝也之奉

法備也布其影

福祝史與焉其所以蕃祉老壽者為信君使也其言忠信於鬼神其適遇於淫君外內頗邪比下然疾動作辟違從欲厭私高臺深池撞鐘舞女斬刈民力輸掠其粟以成其違不恤後人暴虐淫從肆行非度無所還忌不思謗讟不憚鬼神神怒民痛無後於心其祝史薦信是言罪也其蓋失數美是矯誣也進退無辭則虛以求媚是以鬼神不饗其國以禍之祝史與焉所以天昏孤疾者為暴君使也其言替媿於鬼神公曰然則若之何對曰不可為也山林之木衡鹿守之澤之萑蒲舟斂守之藪之薪蒸虞候守之海之鹽蜃祈望守之縣鄙之人入從其政偏介之關暴征其私承嗣大夫驅易其殖布常無藝徵斂無度官室臣僭令於鄙私欲養求不給則應民人皆病夫婦皆詛祝有益也詛亦有損聊攝以

○真人堂山澤之官

○是也

○造臺臺名

○商頌烈祖詩

東姑尤以西其為人也多矣。雖其善祝，豈能勝億兆人之詛。君若欲誅於祝史，脩德而後可。公說使有司寬政，毀關去禁，薄斂。已責。○十二月，齊侯田于市，招虞人以弓。不進。公使執之，辭曰：昔我先君之田也，旃以招大夫，弓以招士，皮冠以招虞人。臣不見皮冠，故不敢進。乃舍之。仲尼曰：守道不如守官。君子之過也，齊侯至，自田。晏子侍於遼臺，子逾軌而造焉。公曰：唯據與我。和夫。晏子對曰：據亦同也。焉得為和。公曰：和與同異乎。對曰：異。和如羹焉，水火醯醢醢梅以烹魚肉，燔之以薪。宰夫和之，齊之以味，濟其不及，以洩其過。君子食之，以平其心。君臣亦然。君所謂可而有否焉，臣獻其否，以成其可。君所謂否而有可焉，臣獻其可以去其否。是以政平而無事，民無爭心。故詩曰：亦有和羹，既戒既平。騏驎無言，時靡有爭。先王之濟五味，和五聲，以平其心。

○外風狼跋詩

○爽鳩氏少暉氏之司寇始居此地

○萑苻澤名於澤中劫人

成其政也。聲亦如味，一氣二體，三類四物，五聲六律七音八風九歌以相成也。清濁大小短長疾徐哀樂剛柔遲速高下出入周疏以相濟也。君子聽之以平其心，心平德和。故詩曰：德音不瑕。今據不然。君所謂可，據亦曰可；君所謂否，據亦曰否。若以水濟水，誰能食之。若琴瑟之專一，誰能聽之。同之不可也。如是飲酒樂，公曰：古而無死，其樂若何。晏子對曰：古而無死，則古之樂也。君何得焉。昔爽鳩氏始居此地，季荊因之。有逢伯陵因之。蒲姑氏因之。而後太公因之。古者無死，爽鳩氏之樂非君所願也。○鄭子產有疾，謂子太叔曰：我死，子必為政。唯以德者能以寬服民。其次莫如猛。夫火烈，民望而畏之，故鮮死焉。水懦弱，民狎而翫之，則多死焉。故寬難疾，數月而卒。太叔為政，不忍猛而寬，鄭國多盜，取人於萑苻之澤。太叔悔之，曰：吾早從夫子，不及此。

春秋卷二十一

二十一

○舉大雅民勞詩言周厲王暴虐民勞於苛政

○言子產見愛有古人之遺風

○天子周景王也無射鐘名律中無射冷樂官州鳩名

興徒兵以攻荏苒之盜盡殺之盜少止仲尼曰善哉政寬則民慢慢則民殘殘則施之以寬寬政是以詩曰民亦勞止汙可小康惠此中國以綏四方施之以寬以濟猛以嚴以濟寬以嚴無良式過寇虐慘不畏明糾之以猛也柔遠能邇以定我王平之以和也又曰不競不綈不剛不柔布政優優百祿是適和之至也及子產卒仲尼聞之出涕曰古之遺愛也

庚辰景王二十四年二十有一年晉頃五齊景二十七

國元年鄭定九曹悼二陳惠九杞平十五宋元十一秦哀十六楚平八吳僚六

春

附錄左傳春天王將鑄無射冷州鳩曰王其以心疾死乎夫樂天子之職也夫

○億安也心安則樂

○晉頃公即位通嗣

○自外至故曰入

音樂之興也而鐘音之器也天子少鍾以作樂器以鍾之與以行之小者不窳大者不櫛則和於物物則嘉成故和聲入於耳而藏於心億則樂成則不感櫛則不容心是以感感實生疾今鐘櫛矣王心弗堪其能久也

王三月葬蔡平公左傳三月葬蔡平公蔡大夫

葬者歸見昭子昭子問蔡故以告昭子歎曰蔡其亡乎若不亡是君也必不終詩曰不解于位民之依堅今蔡侯始即位而適卑身將從之夏晉侯使士鞅

來聘書聘止此左傳夏晉士鞅來聘叔孫焉賈之禮為士鞅士鞅怒曰鮑國位下其國小而使鞅從其牢禮是卑敝邑也將復諸寡君魯人恐加四年○宋華亥向寧華定自陳入焉為十二年

其邑故曰叛南里宋城內里名

于宋南里以叛

叛公作畔左傳宋華費遂生

訊問也

舊鄘舊城也華氏居宋城內南里故宋修舊鄘之城

馬多僚為御士與相惡乃請諸公曰龜將納亡人亟言之公曰司馬以吾故亡其良子死亡有命吾不可逃何遠之有公懼使待人馬則如亡死如可逃何遠之有公懼使待人召司馬之侍人宜僚飲之酒而使告司馬馬不歡曰必多僚也吾有護子而弗能殺吾又使田孟諸而遣之公飲之酒厚酬之賜及從者司馬亦如之張句尤之曰必有故使子皮承宜僚以劍而訊之宜僚盡以告張句欲殺多僚子皮曰司馬老矣登之謂甚吾又重之不如亡也五月丙申子皮將見司馬而行則遇多僚御司馬而朝張句不勝其怒遂與子皮曰任鄭翩殺多僚劫司馬以叛而召亡人子寅華向入樂大心豐愆華控禦諸橫華氏居盧門以南里叛六月庚午宋城舊鄘及桑林

襄二十六年孫林父入于戚以叛

定十二年晉荀吳士吉射入朝歌以叛

定十一年宋辰等身入于蕭以叛

舊鄘舊城也桑林門宋之城門也華氏居宋城內之里故宋築此處與華氏為弔也

林之門而守之公羊傳宋南里者何若曰因諸者然穀梁傳自陳陳有奉焉爾入者內弗受也其曰宋南里宋之南鄘也以者不以者也叛直叛也

胡傳

按左氏初宋元公無信多私而惡華

羣公子殺之公如華氏請焉弗許遂劫公取太子及其母弟以為質公怒攻之華向奔陳至是入于南里以叛凡書叛有入于戚者而不言衛有入于朝歌者而不言晉有入于蕭者而不言宋此獨言宋南里何也戚與朝歌及蕭皆其所食私邑也若南里則宋國城內之里名也傳稱華氏居盧門南里以叛而宋城舊鄘及桑林門以宋是華氏與宋分國而居矣故其入其出皆以南里繫之宋此深罪叛臣逼脅其君已甚之詞也

○叔輒叔弓之子伯

○微識也本又作職
言揚微乃公徒以試
衆心衆從其言皆場
微以自別

秋七月壬午朔日有食之

何爲對曰二至二分日有食之不爲災日月之行也分同道也至相過也其他月則爲災陽不克也
○八月乙亥叔輒卒
輒公作痊左傳於是叔輒

附錄

左傳冬十月華登以吳師救華氏齊人入有奪人之心後人有待其衰蓋及其勞且未定也伐諸若入而固則華氏衆矣悔無及也從之丙寅齊師宋師敗吳師于焉口獲其二師公辛苦維偃州負華登師其餘以敗宋師公欲出厨人濮曰吾小人可藉死而不能送亡君請待之乃御曰揚微者公徒也衆從之公自揚門見之下而巡之曰國亡君死二三子之恥也豈專孤之

○新里華氏所取邑

○褚立宋地

○扶伏與匍匐同

罪也齊烏枝鳴曰用少莫如齊致死莫如去備彼多兵矣請皆用劍從之華氏北復即之厨人濮以裳裹首而荷以走曰得華登矣遂敗華氏于新里翟僕新居于新里既戰說甲于公而歸華姓居于今里亦如之十一月癸未公子城以晉師至曹翰胡會晉荀吳齊苑何忌衛公子朝救采丙戌與華氏戰于櫟丘鄭翩願爲鶴其御願爲鷲子祿御公子城莊董爲右千孿御呂封人華豹張白爲右相遇城還華豹曰城也城怒而反之將注豹則關矣曰平公之靈尚輔相余豹射出其間將注則又關矣曰不狎鄙抽矢城射之磴張白抽矢而下射之折股扶伏而擊之折軫又射之死千孿請一矢城曰余言女於君對曰不死五乘軍之大刑也于刑而從子君焉用之子速諸乃射之磴大敗華氏圍諸南里華亥搏膺而呼見華龜曰吾爲藥氏矣龜

○廷恐也言汝無恐

○十五乘甲卒一千二百二十五人

○宋奔悼公東國立

○東國隱太子之子平侯廬之弟蔡侯朱之叔父也

○晉侯薛公故還

日子無我廷不幸而後亡。使華登如楚乞師。華猶以車十五乘徒七十人犯師而出。食於睢上哭而送之。乃復入楚。蕞越師師將逆華氏。大宰犯諫曰。諸侯唯宋事其君。今又爭國釋君而臣是。助無乃不可乎。王曰。而告我也。後既許之矣。

冬蔡侯朱出奔楚

朱穀作東。左傳費無極取。不用命於楚。君主將立東國。若不先從。王欲楚必圍蔡。蔡人懼出朱。而立東國。朱戀於楚。楚子將討蔡。無極曰。平侯與楚有盟。故封其子有。二心故廢之。靈王殺隱太子。其子與君同惡。德君必甚。又使立之不亦可乎。且廢置在君。蔡無他矣。穀梁傳東者東國也。何為謂之東也。三父秀而殺焉。父執而用焉。奔而又奔之。曰東惡之而貶之也。

晉至河乃復

左傳公如晉及河鼓叛。晉將伐鮮虞故辭公。

○公如

春秋四傳卷之三十一

春秋四傳卷之三十二

昭公四

辛丑 景王二十五年崩 二十有二年 晉頃六。齊景二十八年。衛靈十五。蔡悼二。鄭定十。曹悼四。陳惠十。杞平十六。宋元十二。秦哀十七。楚平九。吳僚七。

春齊侯伐莒

左傳春王二月甲子齊北郭啓師。師伐莒。莒子將戰。死羊牧之。諫曰。齊師賤其求不多。不如下之。大國不可怒也。弗聽。敗齊師于壽餘。齊侯伐莒。莒子行成。司馬寵如莒。泄盟。莒子如齊。泄盟。盟于稷門之外。莒於是乎大惡其君。○宋華

亥向寧華定自宋南里出奔楚

左傳楚蕞越使告于宋曰。寡君聞君有不令之臣。為君憂。無寧以宗羞。寡君請受而戮之。對曰。孤不佞。不能媚於

○機明齊城明也

○林氏曰言自南里

父兄以為君憂拜命之辱抑君臣曰戰君曰
余必臣是助亦唯命命有言曰唯亂門之無
過君若惠保敝邑無亢不哀以獎亂人孤之
望也唯君圖之楚人患之諸侯之戍謀曰若
華氏知困而致死楚恥無功而疾戰非吾利
也。不如出之以為楚功其亦無能為也。已救
宋而除其害又何求及固請出之宋人從之。
已已宋華亥向寧華定華貍華登皇奄傷省
滅士乎出奔楚宋公使公孫忌為大司馬邊
印為大司徒樂祁為司城仲幾為左師樂大
心為右師樂輓為大司寇以靖
國人穀梁傳自宋南里者專也

胡傳

華向誘殺羣公子又劫其君取其太
披其國都以叛此必誅不赦之賊也宋宜
竭力必討之於內諸侯宜協心必救之於
外楚子宜執叛臣之使而戮之於境楚
人釋君而臣是助諸侯之戍怠於救患固

○公子城以晉師至曹翰胡會晉荀吳齊死何忌衛公子朝救宋與華氏戰于楛丘

○亢高之也獎助之也言高亢其不協中

正之事獎助其叛亂背逆之臣蓋所以指楚人救華氏之疵也

大蒐于昌間

間公作姦穀梁傳秋而曰蒐此

胡傳

昭公之時凡三書蒐或以非其時或

蒐也。三綱軍政之本古者春蒐夏苗秋獮冬狩皆於農隙以講事而所主者明貴賤辨等列順少長習威儀則皆納民於軌物而非馳射擊刺之末矣是故觀于有莘少長有禮知可用也而文公遂霸臨于洛陽祖而發喪為義帝也而漢祖遂王今魯國其君則設兩觀乘大輅其臣則入角舞於庭旅泰山以雍徹其宰則據大都執國命而軍政之本亡矣何以蒐為此春秋所書

○八年蒐于紅十一
年蒐于比蒲并此三
○何氏曰天子外關
兩觀諸侯內關一觀
○禮記昭堂位曰成
王賜魯以天子禮樂
故其君子與春乘大輅
○何氏曰天子大輅
諸侯路車大夫大車
士飾車

○景王崩王子猛立是為悼王是冬卒敬王立

○叔鞅叔弓字如京師止此
○三月而葬亂故速

○周亂不書書王至亂則天下無人紀矣昔者惠襄之世子頽亂鄭號討之子帶也晉討之春秋不書猶有臣子焉耳於是景王崩悼王即位既葬矣子朝欲篡子猛而立允歷桓敬五年而後定而訖於佚賊則天下無人紀矣

○立政周書篇名
○騶鴉邠風篇名

為後戒之意也

夏四月乙丑天王崩

左傳王子朝賓起有寵於景主王與賓孟說之

欲立之。劉獻公之庶子伯禽事單穆公惡賓孟之為人。也願殺之。又惡王子朝之言以為亂。願去之。賓孟適郊。見雄雞自斷其尾。問之。侍者曰。自憚其犧也。遽歸告王。且曰。雞其憚為人。用乎。人異於是。犧者實用。人人犧實難。已犧何害。王弗應。夏四月。王田北山。使公卿皆從。將殺單子劉子。王有心疾。乙丑崩。干榮。錡氏。戊辰。劉子摯卒。無子。單子立。劉。孟。五月。庚辰。見王。遂攻賓。起殺之。盟。羣。王子于單氏。

附錄

左傳晉之取鼓也既獻而反鼓子焉偽糴者負甲以息於昔陽之門外遂襲鼓滅之以鼓子為鞅歸使涉佗守之

六月叔鞅如京師

如京師止此

葬景王王室亂

左傳

丁巳葬景主王子朝因舊宮百土之喪職秩者與靈景之族以作亂帥郊喪餞之甲以逐劉子王戊劉子奔揚單子逆悼王于莊宮以歸王子還夜取王以如莊宮癸亥單子出王于還與召莊公謀曰不殺單旗不捷與之重盟必來背盟而克者多矣從之樊填子曰非言也必不克遂奉王以追單子及領大盟而復殺摯荒以說劉子如劉單子亡乙丑奔于平時羣王子追之單子殺還姑發弱驪延定桐子朝奔京丙寅伐之京人奔山劉子入于王城辛未鞅簡公敗績于京乙亥苒平公亦敗焉叔鞅至自京師言王室之亂也閔馬父曰子朝必不克其所與者天所廢也公羊傳向言平王室亂言不及外也穀梁傳亂之為言事未有所成也

胡傳

何言乎王室亂王者以天下為家則以京師為室京師者本也周公作立政曰迪惟有夏乃有室大競其作騶鴉詩

○堯授舜舜授禹也
禹傳子啓九十七主
共四百五十八年湯
傳孫太甲九二十八
主共六百四十四年
周武王傳子成王九
三十七主共八百六
十七年
○季札歸國見襄二
十九年
○莊公始生見桓六
年
○鄭突見桓十一年
○陽生見哀六年
○子同莊公名
○林氏曰猛未踰年
孫王成猛之爲王以
猛爲宜立也是故春秋之義苟宜立也則糾維未得國成之爲子糾猛未得京師成之爲王猛

以遺成主亦曰既取我子無毀我室皆指
京師言之也。以京師爲室王畿爲堂諸夏
爲庭戶四夷爲藩籬治外者先自內治遠
者先自近本亂而未治者否矣。景王寵愛
子朝使孽子配嫡以本亂者其言王室譏
國本之不正也。本正而天下定矣。唐虞公
天下則相禪而與賢三代家天下則相繼
而與子春秋兼帝主之道可公也則以達
節爲權。故季札辭國敗而稱名可家也則
以居正爲大。故莊公始生即書于策鄭突
歸而不氏以國陽生入而得係於齊此皆
正本以及天下之義也。其義苟行無易樹
子王室豈有亂離之禍乎。春秋書子同生
於前而記王室亂於後其爲來世法戒明矣

劉子單子以王猛居于皇

左傳單子欲上急
於晉秋七月戊寅
公羊傳其稱

王猛何當國也穀梁傳以
者不以者也王猛媿也

胡傳

凡稱以者不以者也。師而曰以能左
右之也。地而曰以能取與之也。人而
曰以能死生之也。尊不以乎卑貴不以乎
賤不以乎小。劉奩單旗臣也。曷爲能以
王猛乎。猛無寵於景王不能自定其位制
在劉單。其曰以者能廢立之也。按左氏景
王太子壽以昭十五年卒至是八年矣。猛
與句皆其母弟禮無疑於當立。然父而未
立者王愛庶子朝欲立以爲嗣。未果而王
崩。故諸大臣競立君。諸王子爭欲立以正
則有猛以寵則有朝。猛雖正而無寵其威
不足。以憚羣下。朝雖寵而不正其分不足
以服人心。二子廢立皆恃大臣強弱而後
定者也。故特稱曰以而景王之弱其後嗣
輕其宗社之罪亦著矣。易曰王居无咎
稱居于皇者明其有土當得位之稱也

○史記云景王愛子
朝欲立之會龍國人
止長子猛子朝攻殺
猛晉人攻朝立句是
爲敬王
○禮記云適子喪有
母弟則立之
○易曰渙卦九五爻
稱

○王城郊野也居于
皇言突京師也入于
王城言始得京師也

○集解云平之稱物
輕重在物而能低昂
之者權也權而得中
低昂履變不害其為
平春秋於此君臣之名不害其為斯世低昂之權也歟

秋劉子單子以王猛入于王城

左傳劉子如

子處守于王城盟百士于平宮辛卯鄆勝伐
皇大敗獲鄆勝壬辰焚諸王城之市八月辛
酉司徒醜以王師敗績于前城百士叛巴已
伐單氏之官敗焉庚午反伐之辛未伐東園
冬十月丁巳晉籍談荀躒師九州之戎及焦
瑕温原之師以納王于王城庚申單子劉盩
以王師敗績于郊前城人敗陸渾于社公羊
傳王城者何西周也其言入何篡辭也
穀梁傳以者不以者也入者內弗受也

胡傳

猛未踰年何以稱王示當立也既當
立矣何以稱名明嗣君也曰王猛者
見居尊得正又以別乎諸王子也君前臣
名劉單不名而王名不嫌於倒置乎曰君
前臣名常禮也禮當其變臣有不名者其
君而不嫌者矣王不當稱未踰年而稱王
名不當稱立為君而稱猛皆禮之變也惟

可與權者能知其變而不越平道之中再
書劉子單子之以王何也春秋詞繁而不
殺者必有美惡焉劉子單子蓋挾天子以
令諸侯而專國柄者也書而未足故再書
于策以著上下并逆為後世之深戒也

冬十月王子猛卒

左傳十一月乙酉王子猛

卒不成喪也巳丑敬王即
位館于干施氏十一月庚戌晉籍談荀躒賈
辛司馬督帥師軍于陰干侯氏干谿泉次干
社王師軍于死干解次干任人閏月晉箕遺
祭微右行詭濟師取前城軍其東南王師軍
于京楚辛丑伐京毀其西南公羊傳此未踰
年之君也其稱王子猛卒何不與當也不與
當者不與當父死子繼兄死弟及之辭也穀
梁傳此不在者
也其曰卒失禮也○十有一月癸酉朔日有食之

年王

敬王二十有三年

晉頃七齊景二十九衛
靈十六蔡悼三卒鄭定

蓋曰悼王其曰王
猛卒未踰年也

十一曹悼五陳惠十一杞平十七宋元十三秦哀十八楚平十吳僚八

春王正月叔孫舍如晉 ○癸丑叔鞅卒 ○晉

人執我行人叔孫舍 左傳邾人城翼還將自離姑公孫錕曰魯將御

我欲自武城還循山而南徐鉏丘弱茅地曰道下遇兩將不出是不歸也遂自離姑武城

人塞其前斷其後之木而弗殊邾師過之乃推而蹙之遂取邾師獲卸弱地邾人愬于晉

晉人來討叔孫婣如晉晉人執之書曰晉人執我行人叔孫婣言使入也晉人使與邾太

夫坐叔孫曰列國之卿當小國之君固周制也邾又夷也寡君之命介于服回在請使當

之不敢廢周制故也乃不果坐韓宣子使邾人聚其衆將以叔孫與之叔孫聞之去衆與

兵而朝士彌牟謂韓宣子曰子弗良圖而以叔孫與其讐叔孫必死之魯亡叔孫必亡

○謝取邾師

於行人譏言執使

殊絕也又伐邾師後之木而不絕之

蹙也乃推斷木而蹙於地以絕邾師走路

○以州無草採薪莖者之艱難不易得

○郊周邑計于朝也
○邾在叔鞅卒前經書在後從起

○二子晉大夫侯氏地名

邾君亡國將焉歸子雖悔之何及所謂盟主

計違命也若皆相執焉用盟主乃弗與使各

居一館士伯聽其辭而愬諸宣子乃皆執之

士伯御叔孫從者四人過邾館以如吏先歸

於都叔孫曰而立期焉乃館諸箕舍子服昭

伯於他邑范獻子求貨於叔孫使請冠焉取

其冠法而與之兩冠曰盡矣為叔孫故申豐

以貨如晉叔孫曰見我吾告女所行貨見而

不出吏人之與叔孫居於箕者請其吠狗弗

與及將歸殺而與之食之叔孫所館晉人

者雖一日必葺其牆屋去之如始至 ○晉人

圍邾 左傳春王正月王寅朔二師圍邾癸卯

王使告問庚戌還公羊傳邾者何天子之邑也

胡傳

按左氏晉籍談荀躒帥師軍于侯氏

登遺樂微濟師軍其東南正月一師

○二子亦晉大夫東
南前城之東南前城
子朝所得邑也

○出奔曰蒙塵
○問官字恐有所闕
視器具恐在不倫
○悼公卒，祭昭侯申
立

○齊納郊公

○烏存苑羊牧之皆
莒大夫郊公著丘公
之子十四年齊齊故
齊人因夷蠻出奔而
納之

○陳哲曰身弑國亡，身危國削，言不仁之禍有必至此者。
○晉史云拜元帝於道，左蓋人尚右道，左非正行也。

○蒲餘侯莒大夫卒
夫是其名則夷與乃
是年立而經未嘗書
也

○雞父楚地不書楚
楚不戰也

○夏鬻鬻，敗計。左孫太
夫死生通曰獲。○東
狄交相敗，不書必敗
中國而後書。吳敗頓
胡沈蔡陳許之師，胡
子見沈子，遂滅獲陳
曼籛，自入春秋。未之
有也。

圍郊，郊，子朝邑也。既不書大夫之名氏，又不稱師而曰晉人微之也。所謂以其事而微之者，也。當是時，天子蒙塵，晉為方伯，不奔問官守，省視器具，徐遣大夫往焉。勤王尊王，之義若此，是乎書晉人圍郊而罪自見矣。

夏六月蔡侯東國卒于楚。○秋七月莒子庚與來奔。左傳莒子庚與虐而好劍，苟鑄劍必國人，以逐之。庚與將出，聞烏存執爰而立於道，左懼將止，死苑羊牧之。曰君過之，烏存以力，聞可矣，何必以弑君成名，遂來奔，齊人納郊公。

胡傳：左氏曰，庚與虐而好劍，苟鑄劍必國人，逐之。庚與來奔，齊人納郊公。三代之得失天下，見孟子離婁篇。

身弑國亡，不其則身危國削，庚與免死，道左而出奔於魯，幸耳。入國不書而書其出，奔惡功也。郊公出入皆不書微之也。所謂以其人而微之者，也。微之為義，或以位或以人，或以事。春秋書法達王事名氏不登於史策，若此類亦衆矣。

戊辰吳敗頓胡沈蔡陳許之師于雞父。胡子鬻鬻，子遄滅獲陳，夏鬻鬻。父穀作甫鬻鬻，苦門友。五結反，左傳吳人伐州來，楚遠越帥師，及諸侯之師，奔命救州來。吳人禦諸鍾離，子瑛卒。楚師贊吳，公子光曰：諸侯從於楚者衆，而皆小國也。畏楚而不獲，是以來吾聞之。曰：偕事，威克其愛，雖小必濟。胡沈之君，勿而在陳。大夫鬻鬻壯而頑，頓與許蔡疾楚政，楚令尹死，其師燬帥賤，多寵政，令不壹，七國同役而不同心。帥賤而不能整，無大威，命楚可敗也。若

春秋左傳卷二十二

○矢忌晦戰此用晦
見擊楚之不意也

○獲得也大夫輕故
曰獲

分師先以犯胡沈與陳必先奔三國敗諸侯
之師乃搃心矣諸侯垂亂楚必先奔請先者
去備薄威後者敦陳整旅吳子從之戊辰晦
戰于雞父吳子以罪人三千先犯胡沈與陳
三國爭之吳為三軍以繫於後中軍從王光
帥右掩餘帥左吳之罪人或奔或止三國亂
吳師擊之三國敗獲胡沈之君及陳大夫金
胡沈之囚使奔許與蔡頓曰吾君死矣師謀
而從之三國奔楚師大奔書曰胡子鬯沈子
逞滅獲陳夏齧君臣之辭也不言戰楚未陳
也公羊傳此偏戰也曷為以詐戰之辭言之
不與夷狄之主中國也然則曷為不使中國
主之中國亦新夷狄也其言滅獲何別君臣
也君死于位曰滅生得曰獲大夫生死皆曰
獲不與夷狄之主中國則其言獲陳夏齧何
吳少進也穀梁傳中國不言敗此其言敗何
也中國不敗胡子鬯沈子盈其滅乎其言敗
釋其滅也獲者非與之辭也上下之稱也

○燔膏火火滅為燔
此軍師之無氣勢也

○左氏曰不言戰楚
未陳也

○沈胡書滅陳大夫
獲

○傳例云詐戰曰敗
梁亡在僖十九年

○鄭棄其師在閔二
年

○齊人殲于迷在莊
十七年

胡傳與吳戰曷為不書楚令尹既喪楚師
諸侯之師曷為不書楚令尹既喪楚師
自將蔡陳許則大夫帥師言戰則未陳也
言敗績則或滅或獲其事亦不同也故總
言吳人以詐取勝於前而以君與大夫序
六國於後胡沈書爵書名書滅者二國之
君幼而在不能以禮自守役屬于楚悉師
以出一敗而身與眾俱亡也其曰胡子鬯
沈子逞滅者若曰非有能滅之者咸其自
取焉耳亦猶梁亡自亡也鄭棄其師自棄
也齊人殲于迷自殲也或曰滅或曰獲別
君臣也君死曰滅胡子鬯沈子逞是也生
得曰獲秦晉戰于韓原獲晉侯是也大夫
生先皆曰獲鄭獲宋華元生也吳獲陳夏
齧死也書其敗不以國分而以君大夫為
序書其死不以事同而以君臣為別皆所

○居于狄泉言未得
京師也於是王猛卒
敬主即位即王猛之
母弟自也居于狄泉
謂之東王子朝入于
王城謂之西王書曰
天子居于狄泉誠子
朝也

○此尹文公圍周世
卿也書尹氏立王子
朝猶曰尹氏所欲立
也將以王天下獨尹
氏立之則莫之與矣
王子不名唯卒名之
非卒也而名之者賤
也是故救衛書下突奔名子瑕立名子朝

○何氏曰賤言尹氏者著世卿之權

○范氏曰隱四年備
人立晉傳曰稱人以
立得象也此言尹氏
立明推尹氏欲立之
○詩云大雅常武篇
○王謂尹氏此謂尹
吉甫也
○孟子曰不以文事
辭不以詐善意

○經書乙未地震嘗
地也下西南宮極震
周地亦震也
○三川涇渭洛也

以辨上下定民志雖顛沛必
於是也其義行而亂自熄矣

天子居于狄泉尹氏立王子朝

單子取訾劉子取牆以直人六月壬午王子
朝入于尹癸未尹圍誘劉他殺之丙戌單子
從阪道劉子從尹道伐尹單子先至而敗劉
子還已丑召伯負南宮極以成周人戊尹庚
寅單子劉子樊齊以王如劉甲午王子朝入
于王城次于左巷秋七月戊申劉羅納諸蔣
官尹辛敗劉師于唐丙辰又敗諸劉甲子尹
辛取西闈丙寅攻刺蒯潰公羊傳此未三年
其稱天王何著者有天子也穀梁傳始王也其
曰天王因其居而王之也立者不宜立者
也朝之不名何也別嫌乎尹氏之朝也
胡傳立者不宜立也王猛當立而未立
故稱大臣以之而不言立敬主當立
又能立矣故直稱居于狄泉而不言立子

朝庶孽奪正以賤妨貴其亂周室不當立
者也故特稱立而曰尹氏尹氏天子之卿
也王朝公卿書爵而變文稱氏者見世卿
之擅權亂國為後戒也或曰稱氏者特以
氏稱之也詩云王謂尹氏此大雅美宣王
詩也亦譏世卿歟為此說者誤矣詩人主
文而不以善意有美而或過有刺而或深
以意逆之可也春秋所書或稱爵或稱字
或稱名或稱氏或稱子或稱人各分所由
立是非所由定禮義所由出皆斷自聖心
游夏不能與也狗時之
所稱而稱之豈其然乎

八月乙未地震

左傳八月丁酉西南宮極震
弘謂劉文公曰君其勉之先
君之力可濟也周之亡也其三川震今西
王之太亦震天棄之矣東主必大克

附錄

左傳楚太子建之母在野召吳人而
啓之冬十月甲申吳太子諸樊入鄭

○互見十六年夏公至晉下

○權臣謂三家方伯謂晉

取楚夫人與其寶器以歸楚司馬遠越追之不及將死衆曰請遂伐吳以徼之遠越曰再敗君師死且有罪亡君夫人不可以莫之死也乃縊於遠越

冬公如晉至河有疾乃復公字左傳公爲叔

孫故如晉及河有疾而復公羊傳何言乎公有疾乃復殺取也穀梁傳疾不志此其志何也釋不得入乎晉也

胡傳昭公兩朝于晉而一見止五如晉而四不得入焉今此書有疾乃復殺取也

也以周公之胄千乘之君執幣帛脩兩君之好而不見納斯亦可恥矣有恥而後能知憤知憤而後能自強自強而後能爲善爲善而後能立身身立而後能行其政令保其國家矣昭公內則受制於權臣外則見陵於方伯此正憂患疾疾有德慧術智保生免死之時也而安於屈辱甘處微弱

無憤取自強之心其失國出奔死於境外其自取之哉

附錄左傳楚囊瓦爲令尹城郢沈尹戌曰

者天子守在四夷天子甲守在諸侯諸侯守在四鄰諸侯甲守在四竟慎其四竟結其四援民狎其野三務成功民無內憂而無外懼國焉用城今吳是懼而城於郢守已小矣甲之不獲能無亡乎昔梁伯溝其公宮而民潰民棄其上亡何待夫正其疆場脩其七田險其走集親其民人明其伍侯信其鄰國慎其官守守其交禮不僭不貪不懦不奢完其守備以待不虞又何畏矣詩曰無念爾祖聿脩厥德無亦監乎若敖蚡自至于武文士不過同慎其四竟猶不城郢今士數城而郢是城不亦難乎

癸未敬王二十有四年晉頃八齊景三十衛靈十七蔡昭公申元年鄭

○舉大雅文王詩

○囊瓦子囊之孫子常也代陽句爲令尹

定十二。曹悼六。陳惠十二。杞平十八卒。
宋元十四。秦哀十九。楚平十一。吳僚九。

春

○舉周書木也

附錄 左傳春王正月辛丑召簡公南宮
其氏又往矣對曰何害同德度義大誓曰
紂有億兆夷人亦有離德余有亂臣十人
同心同德此周所以興也君其務德無患
無人戊午王子朝入于鄆

王二月丙戌仲孫糺卒 糺俱 ○叔孫舍至自

晉 左穀無叔孫字左傳晉士彌牟逆叔孫于
箕叔孫使梁其蹊待于門內曰余左顧而
視乃殺之右顧而笑乃止叔孫見士伯士伯
曰寡君以為盟主之故是以父子不腆敝邑
之禮將致諸從者使彌牟逆君于叔孫受禮
而歸二月媾至自晉尊晉也穀梁傳大夫執

○仲孫糺子也

○善得故歸故書至

則致致則挈 由上致也
胡傳 大夫執而致則名此獨書其姓氏何
賢之也叔孫舍以禮立身而不屈於
強國以忠事主而不順於強臣此社稷之
衛魯之良大夫也使昭公稍有動心忍性
強於為善之意舉國以聽豈其死於乾侯
觀意如之稽顙於昭子叔孫之以逐君責
意如其事可見矣及意如有異志而昭子
使祝宗祝死所謂知其無可奈何安之若
命者故舍至自晉特以姓氏書其死也公
雖在外而特書日以卒之

○意如季子子名

○莊子人間世云知
其不可奈何而安之
若命德之至也

附錄 左傳三月庚戌晉侯使平景伯蒞周
周故士伯立干乾祭而問於介衆晉
人乃辭王子朝不納其使

夏五月乙未朔日有食之 左傳梓慎曰將水
昭子曰旱也日過

○殺杏皆敬王臣

○殺寡婦也織者常
苦織少今殺婦不寡
恤其緯之少

○蠶蟲動擾見
○舉小雅夢我詩

○平公卒子悼公成

○東些周邑敬王喜得玉故以邑與之

分而陽猶不克克必甚能無
享乎陽不克莫將積聚也

附錄

左傳六月王申王子朝之師攻取及
杏皆潰。鄭伯如晉子大叔相見若
獻子獻子曰若王室何對曰老夫其國家
不能恤敢及王室抑人亦有言曰發不恤
其緯而憂宗周之隕為將及焉今王室實
蠢蠢焉吾小國懼矣然大國之憂也吾儕
何知焉吾子其早圖之詩曰鋹之鑿矣惟
鑿之取王室之不寧晉之取也獻子懼而
與宣子圖之乃徵會
於諸侯期以明年

秋八月大雩

左傳

○丁酉杞伯郁釐卒

附錄

左傳冬十月癸酉王子朝用成周之
寶珪于河甲戌津人得諸河上陰不
佞以溫人南侵掇得玉者取其玉將
獻之則為石王定而獻之與之東些

○巢楚邑也書滅用大師

○沈尹戌楚莊王會
孫楚人

○為魯諱此罪是以
不書

○吳人郢在定公四
年郢楚之國都也

○孟子曰諸侯之寶
三土地人民政事

冬吳滅巢

左傳楚子為舟師以畧吳疆沈尹
戌曰此行也楚必亡邑不撫民而
勞之吳不動而速之吳踵楚而疆場無備邑
能無亡乎越大夫胥犴勞王於豫章之汭越
公子倉歸王乘舟倉及壽夢帥師從王王及
圍陽而還吳人踵楚而邊人不備遂滅巢及
鍾離而還沈尹戌曰亡郢之始於此在矣王
豈動而亡一姓之帥幾如是而不及郢詩曰
誰生厲階至今為梗其王之謂乎

胡傳

巢楚之附庸實邑之也書吳入州來
著陵楚之漸書吳滅巢著入郢之漸
四鄰封境之守既不能制則封境震矣四
境國都之守既不能保則國都危矣故沈
尹戌以此為亡郢之始也春秋內失地不
書明此為有國之大罪外取滅皆書明見
取滅者之不能有其土地人民則不
君矣故諸侯之寶三以土地人民為首

葬杞平公

甲敬王二十有五年

晉頃九齊景三十一衛靈十八蔡昭二鄭定十

三曹悼士陳惠十三杞悼公成元年宋元十五年卒秦哀二十楚平十吳僚十

春叔孫舍如宋

左傳春叔孫婁聘于宋桐門右師見之語卑宋大夫而賤

○叔孫婁即叔孫昭子

○右師樂太心居相

其身而後能及人是以致禮今夫子卑其大夫而賤其宗是賤其身也能有禮乎無禮必亡宋公享昭子賦新宮昭子賦車轄明日宴飲酒樂宋公使昭子右坐語相泣也樂祁佐退而告人曰今茲君與叔孫其皆死乎吾聞之哀樂而樂哀皆喪心也心之精爽是謂鬼

○精血也爽明也

○精屬陰故為鬼明屬陽故為鬼

夫人生宋元夫夫人生子以妻季平子昭子如宋聘且逆之公若從謂曹氏勿與魯將逐之

曹氏即宋元夫八曹小邾姓也

○舉大雅瞻卬詩

曹氏告公公告樂祁樂祁曰與之如是魯君必出政在季氏三世矣魯君喪政四公矣無民而能逞其志者未之有也國君是以鎮撫其民詩曰人之云亡心之憂矣魯君失民矣焉得逞其志靖以○夏叔詣會晉趙鞅宋樂待命猶可動必憂

大心衛北官喜鄭游吉曹人邾人滕人薛人

小邾人于黃父請五計及公穀作倪音請後

甫左傳夏會于黃父謀王室也趙簡子令諸侯之大夫輸王粟具戍人曰明年將納王于

大叔見趙簡子簡子問揖讓周旋之禮焉對曰是儀也非禮也簡子曰敢問何謂禮對曰

吉也聞諸先大夫子產曰夫禮天之經也地

之義也民之行也天地之經而民實則之則天之明因地之性生其六氣用其五行氣為

五味發為五色章為五聲澤則昏亂民失其

○於是天子謂之東王子朝謂之西王子晉侯使蒞問周故期以明年而後為黃父之會又明年而首踐趙鞅之師出是故天王書出而晉師克鞅不書書克鞅是討子朝也

○妻父曰昏重昏曰媾

○婚父曰姻兩婿相謂曰亞

○禍以制其死福以制其生

○踐土在傷二十八

性是故為禮以奉之。為六畜五牲三犧以奉。五味為九文。六采五章以奉。五色為九歌。八風七音六律以奉。五聲為君臣上下以則。地義為夫婦。外內以經。一物為父子兄弟姊妹甥舅昏媾姻亞以象。天明為政事。庸力行務以從。四時為刑罰威獄。使民畏忌以類其震曜殺戮為溫慈惠和以效天之生。殖長育民。有好惡。喜怒哀樂生於六氣。是故審則宜類以制。六志哀有哭泣。樂有歌舞。喜有施舍。怒有戰鬪。喜生於好。怒生於惡。是故審行信令。禍福賞罰以制死生。生於好。物也。死於惡。物也。好。物樂也。惡。物哀也。哀樂不失。乃能協于天地之性。是以長久。簡子曰。甚哉禮之大也。對曰。禮上下之紀。天地之經。緯也。民之所以生也。是以先王尚之。故人之能自曲直以起禮者。謂之成人。大不亦宜乎。簡子曰。鞅也。請終身守此言也。宋樂太心曰。我不輸粟我於周為客。若之何。使客晉士伯曰。自踐土以來。宋何

○言不善無大此者為定十年宋樂太心出奔傳

○初敗于郊又敗于尹道敗于庚敗諸鄆。鄆城否皆潰是劉單之屢敗也

○石簡公南宮嚚以女植公見王子朝劉子謂長弘曰。昔此又往矣。對曰。何害。同德度義。君其務德。無患無入。

役之不。會而何。盟之不同。曰。同恤王室。子焉得辟之。子奉君命以會。大事而宋背盟。無乃不可乎。右師不敢對。受牒而退。士伯告簡子曰。宋右師必亡。奉君命以使之。而欲背盟。以于盟主。無不祥大焉。

胡傳

按左氏鄭子大叔如晉。范獻子曰。若王室何。對曰。王室之不寧。大國之憂晉之取也。吾子其早圖之。獻子懼。乃徵會於諸侯。會于黃父。謀王室也。趙簡子令諸侯之大夫。輸王粟。具成人。將納王。夫以王猛之無寵。單旗劉盭之屢敗。敬主初立。于朝之眾。召伯與南宮嚚。其桓公之黨。疑若多助之在。朝也。然會于黃父。凡十國。而諸侯之大夫。無異議焉。是知邪不勝正。又矣。猶有寵愛。庶孽配適。奪正。至於滅亡。而不寤者。不知幽主晉獻之父子。亦何足效哉。然則黃父之會。王事也。而無美辭。何也。王室不靖。亦惟友邦。冢君克脩厥職。以綏定。

○幽王獻公之父子
事俱見前

○此鳥尤居不在書
界故曰來巢非常故
書

○出廟禮冬官考工
記

○凡南貢道沅水下
○林氏曰昭公出意
如行君事佩璠璣祭宗廟是其主祭於國之事

○宋定公名凡災異之事為當世之妖孽乃後世之禎祥固宜有其理也然尤處而巢
下而上猶定公以公辛而得諸侯之位之祥也

○季辛下旬之辛也
言又重其事

○三年四年大雨雹
十九年二十三年地
震共四見

○三年六年八年十
六年二十四年并此
凡七大雩

○高宗商賢王祖已
其賢也說見書高
宗彤日及周書無逸
篇
○旱魃旱神也蘊隆

王都非異人在亦何美之有免於譏貶足
矣此春秋以正待人一體也後世以濫賞
報臣子所當為之事為臣子
者亦受而不辭失此義矣

有鸛鳴來巢

鸛音欲左傳書所無也師已曰

異哉吾聞文武之世童謠有之曰鸛之鳴之
公出辱之鸛鳴之羽公在外野往饋之馬鸛
鳴跌跌公在乾侯微襄與禱鸛鳴之巢遠哉
遙遙禍父喪勞宋父以驕鸛鳴鸛鳴往歌來
哭童謠有是今鸛鳴來巢其將及乎公羊傳
何以書記異也何異爾非中國之禽也宜只
又巢也穀梁傳一有一亡曰有來者來
中國也鸛鳴穴者而曰巢或曰增之也

胡傳

魯在汶南其所無也故書曰有巢者
去穴而巢陰居陽位臣逐君象也鸛鳴宜
穴處於下而巢居於上季孫宜臣順於家

而主祭於國反常為異之兆能以德消則
無其應矣或曰此公子宋有國之祥也

秋七月上辛大雩季辛又雩

左傳秋書再雩
早甚也公羊傳

又雩者何又雩者非雩也聚衆以逐季氏也
穀梁傳季者有中之辭也又有繼之辭也

胡傳

左氏以再雩為早甚聖人書此者以
志禦災之非道而區區於禱祠之末

也昭公之時兩雩地震四見於經旱乾為
虐相繼而起有鸛鳴來巢異之甚也季辛
又雩災之甚也考諸列位則國有人焉觀
諸天時則猶有眷顧之心未終棄也若反
身脩德信用忠賢災異之來必可禦矣昔
高宗彤日雉升鼎耳異亦甚矣聽於祖已
克正厥事故能嘉靖殷邦享國長文宣主
之時旱魃益隆災亦甚矣側身脩行遇災
而懼故能興衰撥亂王化復行此皆以人
勝天以德消變之驗也昭公至是猶不知

旱氣也

○說見詩雲漢篇

○陽州齊魯竟上世
謀奔故言孫若自孫
讓而去也者公行書
次自莊以來未之有
也於是再見其再見
何以昭公之失國不
可不詳其所以如往也

○季平子祁伯伯二
家相近故雞鬪

○擣芥子播其羽也
或曰以膠沙播之為
介雞

○萬舞也於禮公當
二十六人今僅二人其
衆萬舞於季氏○孔子謂季氏八佾舞於庭
志亦指此事

○言曾君失其民心
已救世矣

○闕善邑也

○長麻官府名也

畏罔克自省而求於禱祠之未將
能勝乎故特書此以為後世鑒

九月己亥公孫于齊次于陽州己亥穀作乙亥孫音遜陽

公作揚因傳初季公鳥娶妻於齊鮑文子生
申公鳥死季公亥與公思展與公鳥之臣申
夜姑相其室及季妙與饗人檀通而懼乃使
其妾扶已以示秦逆之妻曰公若欲使余余
不可而扶余又誅於公甫曰展與夜姑將要
余秦姬以告公之公之與公甫告平子平子
拘展於下而執夜姑將殺之公若泣而哀之
曰殺是是殺余也將為之請平子使豎勿內
日中不得請有司逆命公之使速殺之故公
若怨平子季邱之雞鬪季氏介其雞邱氏為
之金距平子怒益官於邱氏目讓之故邱昭
伯亦怨平子臧昭伯之從弟會為讓於臧氏
而逃於季氏臧氏執旃平子怒拘臧氏老將
希於襄公萬者二人其衆萬於季氏

此之謂不能肅先君之廟大夫遂怨平子公
若獻弓於公為且與之出射於外而謀去季
氏公為告公果公貴公果公貴使侍人僚抽
告公公寢將以戈擊之乃走公曰執之亦無
命也懼而不出數月不見公不怒又使言公
執戈以懼之乃走又使言公曰非小人之所
及也公果自言公以告臧孫臧孫以難告邱
孫邱孫以可勸告子家懿伯懿伯曰讒人以
君微幸事若不克君受其名不可為也舍民
數世以求克事不可必也且政在焉其難圖
也公退之辭曰臣與聞命矣言若洩臣不獲
死乃館於公叔孫昭子如闕公居於長府九
月戊戌伐季氏殺公之干門遂入之平子登
臺而請曰君不察臣之罪使有司討臣以于
戈臣請待於沂上以察罪弗許請囚於費弗
許請以五乘亡弗許子家子曰君其許之政
自之出矣矣隱民多取食焉為之徒者衆矣
日入慝作弗可知也衆怒不可蓄也蓄而弗

○水箭篇也昭公之
黎首解甲執箭篇而
歸救無戰心

○言我不忍復留魯

○子家子一名駒又
名驪魯大夫也

○何氏曰季氏專賞賈得民衆之心久矣民從順之猶牛馬之羣於食也者民不從者
命而反爲季氏用則多取厚耳

○亦謂城南水名
○費魯邑也

- 東門遂仲遂也故
子赤立宣公
- 四公直成襄昭
- 作三軍在襄十一年
- 舍中軍在襄五年
- 入戰在襄二十二年
- 取平在襄二十九年
- 東門氏逐在宣末
年
- 公二怒奔在十二
年
- 群小如公若公爲
公果公賁之類

治將蘊蘊蓄民將生心。生心同求將合。君必
悔之弗聽。邱孫曰必殺之。公使邱孫逆孟懿
子。叔孫氏之司馬驪戾言於其衆曰。若之何
莫對。又曰。我家臣也不敢知國。凡有季氏與
無於我孰利。皆曰。無季氏是無叔孫氏也。驪
戾曰。然則救諸帥。徒以往。陷西北隅。以入公
徒釋甲執木而踞。遂逐之。孟氏使登西北隅
以望季氏。見叔孫氏之旌。以告孟氏。執邱昭
伯殺之。于南門之西。遂伐公。從子家子曰。諸
臣僞劫君者而負罪。以出君止。意如之事。君
也不敢不改。公曰。余不忍也。與臧孫如墓謀
遂行。已亥。公孫于齊。次于陽州。穀梁
傳。孫之爲言猶孫也。諱奔也。次止也。

胡傳也。昭公欲伐季氏。子家子曰。季氏得
民久。君無多。歷公不從。意如登臺而請。待
於沂上。以察罪。弗許。請囚于費。弗許。請以
五乘亡。弗許。子家子曰。君其許之。政自之

出久矣。隱民多取食焉。爲之徒者衆矣。日
入。慝作。弗可知也。弗聽。叔孫氏之司馬陷
西北隅。以入。孟氏殺邱昭伯。遂伐公。徒公
與臧孫如墓謀。遂行。以君伐。臣曷爲不勝。
魯自東門遂殺適。立庶魯君。於是平失政。
祿去。公室政在季氏。於此君也。四公矣。作
三軍。盡征其。一舍中軍。兼有其。二。民賦入
於其家。半矣。受命救合也。遂入鄆。帥師取
下。也不以聞。軍政在其手。專矣。行父片言
而東門氏逐。南崩一動。而公子怒。奔魯之
羣臣。亦無敢忠於公室。而獻謀者。所謂屯
難之時也。在易屯之六五。曰。屯其膏。小貞
吉。大貞凶。象曰。屯其膏。施未光也。昭公不
明。平消息盈虛之理。正身率德。擇任忠賢。
待時。馴致。不忍一朝之忿。求逞其
私欲。而以羣小謀之。其及也。宜矣。

齊侯唁公于野井。唁音彦。左傳齊侯將唁公
于平陰。公先至于野井。齊

○再，安國曰：暗，平陰，齊地，齊侯夫至魯，昭公先至野井以迎之。

○繼，繼，不離散而從。

侯曰：是寡人之罪也。使有司待于平陰焉。近故也。書曰：公孫于齊。次于陽州。齊侯唁公于野井。禮也。將求於人，則先下之禮之善物也。齊侯曰：自莒疆以。西請致千社。以待君命。寡人之憂也。公喜。于家子曰：天祿不再。天若降君，不過周公以魯足矣。失魯而以于社為臣，誰與之立。且齊君無信，不如早之。晉弗從。臧昭伯率從者將盟。載書曰：戮力一心，好惡同之。信罪之有無。繼繼從公，無通外內。以公命示于家子。于家子曰：如此，吾不可以盟。羈也。不佞，不能與。三子同心，而以為皆有罪。或欲通外內，且欲去君。三子好亡而惡定焉。君將速入，弗通何為。而何守焉。乃不與盟。公羊傳：信，公者何。昭公將弑，季氏告于家駒。曰：季氏為無道，僭於公室久矣。吾欲弑之，何如。子家駒曰：諸侯僭於天子，大夫僭於諸侯，久矣。昭公曰：吾何僭矣哉。子家駒曰：設兩觀，乘大路，朱干玉戚，以舞大夏。八佾以舞大武。此皆天子之禮也。且夫牛馬維婁委已者也。而乘焉。季氏得民衆久矣。君無多辱焉。昭公不從其言。終弑而敗焉。走之齊。齊侯唁公于野井。曰：奈何。君去魯國之社稷，昭公曰：喪人，不佞。失守魯國之社稷，執事以羞。再拜。穎慶子家駒曰：慶于免君於大難矣。子家駒曰：臣不佞，陷君於大難。君不忍加之。以鐵鏡賜之。以死。再拜。穎高子執簞食與西脰脯。國子執壺漿。曰：吾寡君聞君在外，餒饔未就，敢致糗干。從者昭公曰：君不忘吾先君，延及喪人，錫之。以大禮。再拜稽首。以衽受。高子曰：有夫不祥。君無所辱。大禮昭公蓋祭而不嘗。景公曰：寡人有不腆先君之服，未之敢服。有不腆先君之器，未之敢用。敢以請。昭公曰：喪人，不佞。失守魯國之社稷，執事以羞。敢辱大禮，敢辭。景公曰：寡人有不腆先君之服，未之敢服。有不

矣。昭公曰：吾何僭矣哉。子家駒曰：設兩觀，乘大路，朱干玉戚，以舞大夏。八佾以舞大武。此皆天子之禮也。且夫牛馬維婁委已者也。而乘焉。季氏得民衆久矣。君無多辱焉。昭公不從其言。終弑而敗焉。走之齊。齊侯唁公于野井。曰：奈何。君去魯國之社稷，昭公曰：喪人，不佞。失守魯國之社稷，執事以羞。再拜。穎慶子家駒曰：慶于免君於大難矣。子家駒曰：臣不佞，陷君於大難。君不忍加之。以鐵鏡賜之。以死。再拜。穎高子執簞食與西脰脯。國子執壺漿。曰：吾寡君聞君在外，餒饔未就，敢致糗干。從者昭公曰：君不忘吾先君，延及喪人，錫之。以大禮。再拜稽首。以衽受。高子曰：有夫不祥。君無所辱。大禮昭公蓋祭而不嘗。景公曰：寡人有不腆先君之服，未之敢服。有不腆先君之器，未之敢用。敢以請。昭公曰：喪人，不佞。失守魯國之社稷，執事以羞。敢辱大禮，敢辭。景公曰：寡人有不腆先君之服，未之敢服。有不

凡不親而會之禮

禮先君之器未之敢用敢固以請昭公曰以吾宗廟之在魯也有先君之服未之能以服有先君之器未之能以出敢固辭景公曰寡人有不泐先君之服未之敢服有不泐先君之器未之敢用請以饗乎從者昭公曰喪人之器未之敢用請以饗乎從者昭公曰喪人其何稱景公曰孰君而無稱昭公於是數然而哭諸大夫皆哭既哭以入為菑以箒為席以鞶為几以遇禮相見孔子曰其禮與其辭足觀矣穀梁傳弔失國曰言言公不得入於魯也

胡傳

言公于野井以遇禮相見孔子曰其禮與其辭足觀矣然則何以失國而不反乎禮有本末正身治人禮之本也威儀文辭禮之末也昭公喪齊歸無感容而不顧娶孟子為夫人而不命政令在家而不能取有子家子之賢而不能用而魯為焉習儀以亟能有國乎雖齊侯來唁其禮與辭

○齊婦襄公妾昭公
○不命不命於天子
○家大夫之家
○雜記云夫人之不
命於天子自魯昭公始

註云娶同姓不敢告天子

二十五家為社千社蓋二萬五千家也

○陳游云子家子於昭公季氏之隙屢有害之而昭公每不能從其後諫而不信仁賢可見矣能免於國不空虛乎

○訖當作猶

○是我已死而得生枯骨而復肉也

是矣而方伯連帥之職則未倫也又豈所以為禮哉其言曰自莒疆以西請致于社將率敝賦以從而子家子曰失魯而以于社社為臣誰與之立且齊君無信不如早之晉書曰唁公亦明其無納公之實譏之也

冬十月戊辰叔孫舍卒

左傳昭十自闕歸見

若我何昭子曰人誰不死于以逐君成名十孫不忘不亦傷乎將若于何平十曰苟使意如得改事君所謂生也而肉骨也昭子從公于齊與公言子家子命適公館者執之公與昭子言於帷內曰將安衆而納公公徒將殺昭子伏諸道左師展告公公使昭子自鑄歸平子有異志冬十月辛酉昭子齊於其寢使祝宗祈死戊辰卒左師展將以公乘馬而歸公徒執之

附錄

左傳王申尹又公涉平鞶焚東皆弗克

○曲棘宋地元公卒于景公頭曼立

○何氏曰時宋公聞昭公見逐故憂綱之至曲棘而卒故因錄之

○樂祁宋大夫

十有一月己亥宋公佐卒于曲棘左傳十一月

將為公故如晉夢大子欒即位於廟已與平公服而相之且召六卿公曰寡人不佞不能事父兄以為二三子憂寡人之罪也若以群子之靈獲保首領以沒唯是楛柎所以藉幹者請無及先君仲幾對曰君若以社稷之故私降昵宴群臣弗敢知若夫宋國之法死生之度先君有命矣群臣以死守之弗敢失隊臣之失職常刑不赦臣不忍其死君命祗辱宋公遂行己亥卒于曲棘公羊傳曲棘者何宋之邑也諸侯卒其封內不地此何以地憂內也穀梁傳祁公也

胡傳

按左氏宋元公為公故如晉卒于曲棘曲棘宋地也宋元之夫人曹氏生子妻意如或謂曹氏勿與魯將逐之曹氏告元公公告樂祁祁曰與之如是魯君必

出無民而能逞其志者未之有也魯君失民久矣然則宋元意如之外舅也不此之顧而欲求納公是以正倫恤患為心而不匿其私親之惡者也其賢於當時諸侯遠矣故雖卒于封內而特書其地以別之也

十有二月齊侯取郟左傳十一月庚辰齊侯取郟

書此何以書為公取之也穀梁傳取易辭也內不言取以其為公取之故易言之也

胡傳

自取而為公取郟使居之何也齊不奔經書次于陽州見公於魯未絕而季氏逐君為不臣及書齊侯取郟則見公已絕於魯而逐於季氏為不君君者有其土地人民以奉宗廟之典藉者也已不能有而他人是保則不君矣春秋之義欲為君盡君道為臣盡臣道各守其職而不渝也昭

○林氏曰取郟以居也
○集解云未絕於魯則君臣之義在君而出次於外則季氏強僭之罪可以論矣
○魯邑而由他人所取而得居蓋不能君魯明矣
○渝變也

○即所謂不君者也
○即所謂不臣者也

○臧會昭伯從弟盜竊昭伯之寶龜僕會寶龜所出地名也

○僕會龜名言不信果驗傳言下筮之驗善惡出入

公失君道季氏為亂臣各渝其職而不守矣其為後世戒深切著明矣

附錄

左傳初臧昭伯如晉臧會竊其寶龜如晉問會請往昭伯問家故盡對及內子與母弟叔孫則不對再三問不對歸及郊會迎問又如初至次於外而察之皆無之執而戮之逸奔郕郕帥假使為賈正焉訖於季氏臧氏使五人以戈楯伏諸桐汝之間會出逐之反奔執諸季氏中門之外平子怒曰何故以兵入吾門拘臧氏老季臧有惡及昭伯從公平子立臧會會曰僕會不余欺也○楚子使蓬射城州屈復加人焉城丘皇遷訾人焉使熊相謀郭巢季然郭卷于大故聞之曰楚王將死矣使民不安其土民必憂憂將及王弗能久矣

春秋四傳卷之三十二

春秋四傳卷之三十三

昭公五

乙酉

敬王二十有六年 晉頃十。齊景三十二。衛靈十九。蔡昭三。鄭定十。

四。曹悼八。陳惠十四。杞悼二。宋景公樂元年。秦哀二十一。楚平十三卒。吳僚十一。

春王正月葬宋元公

左傳葬宋元公如先君禮也

附錄

左傳春王正月庚申齊侯取鄆

三月公至自齊居于鄆

左傳三月公至自齊處于鄆言魯地也

梁傳公次于陽州其曰至自齊侯之見公可以言至自齊也居于鄆者公在外也至自齊道義不外公也

○穀梁云居者居其所也

○林氏曰三月而葬速

○集解云為一國設防不使君為臣逐之意

○為天下設防不使諸侯擅有其土之意

○坊記云君適其臣升自階即立於堂示民不有其室也

○林氏曰成孟氏邑

○齊景公將以師納魯昭公

○豐賈二人皆季氏家臣

○淄水名齊師飲馬于淄水成人又伐之

○胸直軛絲過也

○輶車載汰矢歎

○七矢鏃

○在腹曰軛

胡傳

居者有其土地人民之稱也昭公失也襄主已出而稱居于鄭敬主未入而稱居于狄泉者存天下之防也天子之於天下率土之濱莫非其臣非諸侯所敢擅也諸侯之於封國四境之內莫非其土非大夫所得專也故諸侯避舍以待巡守而大夫專邑是謂叛君曰居于鄆其為防也至矣

夏公圍成

申豐從女賈以幣錦二兩縛一如環適齊師謂子猶之人高齋能貨子猶為高氏後粟五千度高齋以錦示子猶欲之曰魯人買之百兩一布以道之不先入幣財子猶受之言於齊侯曰羣臣不盡力于魯君者非不能事君也然據有異焉宋元公為魯君如晉卒于曲棘叔孫昭子求納其君無疾而死不知天之棄魯耶抑魯君有罪於鬼

神故及此也君若待于曲棘使羣臣從魯君以焉焉若可師但濟也君而繼之茲無敵矣若其無成君無辱焉齊侯從之使公子鉏帥師從公成大夫公子朝謂平子曰有都以衛國也請我受師許之請納質并許曰信女足矣告於齊師曰孟氏魯之敝室也用成已甚弗能忍也請息肩于齊齊師圍成成人伐齊師之飲馬于淄者曰將以厭衆魯成備而後告曰不勝衆師及齊師戰于飲馬齊子淵捷從洩聲子射之中輶車擊胸太輶齊子淵捷寸聲子射其馬輶車擊胸太輶齊子淵捷而助之子車曰齊人也將擊子車子車射之瘡其御曰又之子車曰衆可懼也而不可怒也子囊帶從野洩叱之洩曰軍無私怒報乃私也將亢子又叱之亦叱之冉豎射陳武子中手失弓而罵以告平子曰有君子白皙鬚眉甚目平子曰必子彊也無乃亢諸對曰謂之君子何敢亢之林雍羞為顏鳴右下死

○鑿一足行林雍被
傷乃擊行乘他人車
以歸

○申豐季氏家臣

○休誘休也謂其聞
梁仕處之言遂使公
子鉏帥師從公而不
親伐魯以納公也

○此參盟也參盟自
齊桓以來未之有也
於是再見何晉不復
主盟矣十六年齊徐
曹鄭堂盟於蒲隧十
九年宋鄭徐堂盟
于蟲則諸侯有不待
伯主而自盟會者矣
於是書以晉之不復
主盟也晉不復主盟
而後齊專盟矣○鄭
陵地缺

何忌取其耳顏鳴去之苑子之御曰視下顧
苑子荆林雍斷其足鑿而乘於他車以歸顏
鳴二人齊師呼曰林雍乘穀梁傳非國不言
圍所以言圍者以大公也

胡傳成者孟氏之邑左氏曰齊侯將納公
命無受魯貨申豐適齊貨梁丘據據
受之言於齊侯曰羣臣不盡力于魯君者
悲不能事君也據有異焉宋元公為魯君
如晉卒于曲棘叔孫昭子求納其君無疾
而死不知天之棄魯耶抑魯君有罪於鬼
神故及此也若使羣臣從魯君以師有
濟也而繼焉茲無敵矣齊侯從之使公子
鉏帥師從公圍成不書齊師者景公休於
邪說為義不終故微之也書公圍成則季
氏之不臣昭公之不君齊侯之不能修方
伯連帥之職其罪咸具矣

附錄左傳四月單子如晉告急五月戊午
劉人敗王城之師于尸氏戊辰王城
人劉人戰于施
谷劉師敗績

秋公會齊侯莒子邾子杞伯盟于鄆陵
市轉反左傳秋盟于鄆陵謀納公也
公至自會居于鄆穀梁傳
也至自會道義不外公也

附錄左傳七月己巳劉子以王出庚午次
于渠王城人焚劉丙午王宿于褚氏
丁丑王次于荏谷庚辰王入于胥靡辛巳
王次于滑晉知躒趙鞅帥師納王使女寬
守闕塞

九月庚申楚子居卒
左傳九月楚平王卒令
尹子常欲立子西曰太

○平王卒，子昭王立。

○言始得京師也。昔者惠王出入皆不書。

○入也。於是悼王自皇。

○書入幸之也。王室亂矣。入無足諱焉。爾于成周猶未得王都也。

○成公般，晉大夫。

○黍離，王風篇名。

○尹氏獨欲立子朝，耳以二御序尹氏之下，則從之者而。

○尸，即尹氏在鞏縣。

○圍澤，周地。

○隄，上同地。

○成周，今洛陽。

○愆，惡疾也。東王身有惡疾。

子壬弱，其母非適也。王子建實聘之。子西長而好善，立長則順，建善則治。王順國治，可不務乎？子西怒曰：「是亂國而惡君王也。國有外援，不可責也。王有適嗣，不可亂也。敗親，速讐也。楚國何為必殺令尹？令尹懼乃立昭王。」

冬十月，天王入于成周。

胡傳

左氏曰：晉知躒、趙鞅帥師納王，入于成周，使成公般、成周而還，不曰入于京師者，京師衆大之稱，不可繫之入也。其曰成周，云者，黍離而次不列于雅，降為國風之意，而景王寵愛庶孽，弱其世適之罪著矣。

尹氏召伯毛伯以王子朝奔楚。

左傳：冬十月，丙申，王趨師。

于滑，辛丑在郊，遂次于尸。十一月辛酉，晉師克鞏，召伯盈逐王子朝。王子朝及召氏之族，毛伯得尹氏，固南宮嚚奉周之典籍以奔楚。陰忌奔莒，莒以叛。召伯逆王于尸，及劉子單子盟，遂軍圍澤。次于隄，上癸酉，王入于成周。甲戌，盟于襄宮。晉師使成公般、成周而還。十一月癸未，王入于莊宮。王子朝使告于諸侯曰：「昔武王克殷，成王靖四方，康王息民，並建母弟以蕃屏周。亦曰：吾無專享，文王之功為後人之迷，欺顛覆而弱入于難，則振救之。至于夷主王愆，于厥身諸侯莫不並走其望以祈王身。至于厲王，心戾虐，萬民弗忍，居王于彘。諸侯釋位以間，王政宣，主有志而後效。官至于幽王，天不弔周，王昏不若，用愆厥位。攜王好命，諸侯替之而建王嗣，用遷郊。厥位攜兄弟之能，用力於王室也。至于惠王，天不靖周，生頹禍心，施于叔帶，惠襄辟難，越去王都，則有晉鄭咸黜不端，以紱定王家，則是兄弟。」

○定王、襄王、孫定王、六年，即魯宣公八年。

○衣服歌請草木之怪謂之妖，此蓋妖言降秦地。

○茲此也，此不殺子，則自稱言使我震驚，動盪播遷踰越。

○閔馬父會大夫聞子朝告諸侯之辭，言所藉於文辭者所以行禮也。

之能率先王之命也。在定王六年，秦八降妖。

曰：周其有，頌王亦克能脩其職，諸侯服享。

世共職。王室其有，間王位，諸侯不圖而受其。

亂災。至于靈王，生而有，頌王甚，神聖無惡於。

諸侯。靈王景王克終其世，今王室亂，單旗劉。

狄剝亂天下，壹行不若，謂先王何常之有。唯。

余心所命，其誰敢討之？帥羣不弟之人，以行。

亂于王室，侵愾無厭，規求無度，貫瀆鬼神，慢。

棄刑法，倍奸齊盟，傲狠威儀，矯誣先王，晉為。

不道，是攝是贊，思肆其罔極。茲不穀震盪播。

越，竄在荆蠻，未有攸底。若我一二兄弟，甥舅。

獎順天法，無助彼猾，以從先王之命。毋速天。

罰，赦圖不穀，則所願也。敢盡布其腹心，及先。

王之經，而諸侯實深圖之。昔先王之命曰：王。

后無適，則擇立長年，鈞以德德鈞，以七王不。

立愛，公卿無私古之制也。穆后及太子壽早。

大，即世。單劉贊私立少，以間先王，亦唯伯仲。

叔季圖之。閔馬父聞子朝之辭，曰：文辭以行。

禮也。子朝于景之命，遠晉之大，以專其志，無。

禮甚矣。文辭何為？穀梁傳：尹氏召伯毛伯以。

王子朝奔楚，遠矣。非也。奔，直奔也。

○五利謂有寵一有禮，甚矣。文辭何為？穀梁傳：尹氏召伯毛伯以。

○王所棄者為不愛，天下所棄者為不正。

○伯服周，因王誅妾，褒姒之子，見惡元。

○里克之兵，專見信。

○景王不監覆車，周幽王晉獻公事。

胡傳

取國有五利，寵居焉。子朝有寵於景主，為之黨者眾矣。卒不能立，至於奔楚，何也？是非有出於人之本心者，不可以私愛是，亦不可以私惡非。卒歸於公而止矣。景主寵愛子朝，將斬於見是，而天下不以為是，踈薄子猛，將斬於見非，而天下卒不以為非，徒設此心，兩棄之也。庶孽憑寵，為羣小之所向，而羣小不從，故伯服雖殺而人心之所向，而羣小不能復宗周之盛，申生已死，而奚齊卓子亦不能勝里克之兵，是兩棄之也。景主不監覆車，王猛子朝之際危，亦甚矣。春秋詳善為後世戒，可謂深切著明也哉。

○華出齊之分野不
書曾不見

○舉大雅大明詩

○詩曰逸詩

○舉小雅車鄰詩

附錄 左傳齊有彗星齊侯使禳之晏子曰
命若之何禳之且天之有彗也以除穢也
君無穢德又何禳焉若德之穢禳之何損
詩曰惟此文王小心翼翼昭事上帝聿懷
多福厥德不回以受方國君無違德方國
將至何患於彗詩曰我無所監夏后及商
用亂之故民卒流亡若德回亂民將流亡
祝史之為無能補也公說乃止○齊侯與
晏子坐于路寢公嘆曰美哉室其誰有此
乎晏子曰敢問何謂也公曰吾以為在德
對曰如君之言其陳氏乎陳氏雖無大德
而有施於民豆區釜鍾之數其取之公也
薄其施之民也厚公厚斂焉陳氏厚施焉
氏歸之矣詩曰雖無德與女式歌且舞陳
氏之施民歌舞之矣後世若少惰陳氏而
不亡則國其國也巳公曰善哉是可若何
對曰唯禮可以巳之在禮家施不及國民

○言此禮者與天地
俱生先王稟受此禮
於天地

○自鄆行
○僚弒公子光立是
為闔廬

不遷農不移工賈不變士不濫官不濫大
夫不收公利公曰善哉我不能矣吾今而
後知禮之可以為國也對曰禮之可以為
國也久矣與天地並君令臣共父慈子孝
兄愛弟恭夫和妻柔姑慈婦聽禮也君令
而不違臣共而不貳父慈而教子孝而箴
兄愛而友弟敬而順夫和而義妻柔而正
姑慈而從婦聽而姁禮之善物也公曰善
哉寡人今而後聞此禮之上也對曰先王
所稟於天地以為其民也是以先王上之
丙戌 敬王二十有七年 晉頃十一齊景三十三
十五年曹悼九卒陳惠十五杞悼三宋景二
秦哀二十二楚昭王軫元年吳僚十二弒
春公如齊公至自齊居于鄆 左傳公至自齊
也穀梁傳 公在外也 ○夏四月吳弒其君僚 左傳吳子
欲因楚喪

○前年楚平王在故
吳欲乘其喪

○替楚邑二子皆王
僚母弟

○季札本封延陵後
復封州來故曰州
來

○工尹楚官

○鉞劍也又夾之以
劍言守衛嚴密

○羞進食也缺體解
衣也進食者必解衣

○吳自諸樊以下兄弟相傳而不行嫡是立者則從之矣
○是亂由先人起也李子自知力不能討光故云爾

○專諸左傳作專設
諸吳人

○伊尹伊尹召公奭
也見書經及史記

○孔明事見三國志
蜀志

○汪氏曰如齊堅才
易才立孟武秦趙高
立胡亥漢中常侍立
順帝唐宦官立穆文
武宣懿僖昭七君之
類

而伐之使公子掩餘公子燭庸帥師圍落侯
延州來季子聘于上國遂聘于晉以觀諸侯
楚莠尹然工尹麋帥師救潛左司馬沈尹戌
帥都君子與王馬之屬以濟師與吳師遇于
窮令尹子常以舟師及沙汭而還左尹卻宛
工尹壽帥師至于潛吳師不能退吳公子光
曰此時也弗可失也告鱣設諸曰上國有言
曰不索何獲我王嗣也吾欲求之事若克季
子雖至不吾廢也鱣設諸曰王可弑也母老
子弱是無若我何光曰我爾身也夏四月光
伏甲於堀室而享王王使甲坐於道及其門
門階戶席皆王親也夾之以鉞蓋者獻體改
服於門外執羞者坐行而入執鉞者夾承之
及體以相授也光偽足疾入于堀室鱣設諸
實劍於魚中以進抽劍刺王鉞交於胷遂弑
王闔廬以其子為卿季子至曰苟先君無廢
祀民人無廢主社稷有奉國家無傾乃吾
也吾誰敢怨哀死事生以待天命非我生

立者從之先人之道也復命哭墓復位而待
吳公子掩餘奔徐公子燭庸奔鍾吾楚師聞
吳亂而還

胡傳

此公子光使專諸弑之而稱國何也
吳子壽夢有四子長諸樊次餘祭次
夷末次季札光諸樊之子也僚夷末之子
也諸樊兄弟以次相及必欲致國於季子
而季子終不受則國宜之光者也僚鳥得
為君故稱國以弑而不歸獄於光其稱國
以弑者吳大臣之罪也大臣任大事事莫
大於置君矣故君存而國本定君終而嗣
子立社稷嘉靖人無間言此秉政大臣之
任伊尹之所以安商周孔明之所以定劉
漢也若廢立進退出於羣小闔寺而當國
大臣不預焉則將焉用彼相矣此春秋歸
罪大臣稱國弑君之意其經世之慮深矣

○郤宛楚左尹以直事君以和接類

○編菅編茅以覆屋曰菅者也或取一編菅欲焚郤氏
○乘把也稗禾藁也或取一把禾藁欲焚郤氏

楚殺其大夫郤宛郤殺作郤宛於阮反又於元反左傳郤宛直而和國人說之郤將師為右領與費無極比而惡之
令尹子常賄而信讒無極譖郤宛焉謂子常曰子惡欲飲子酒又謂子惡令尹欲飲酒於子氏子惡曰我賤人也不足以辱令尹令尹將必來辱為惠已甚吾無以酬之若何無極曰令尹好甲兵子出之吾擇焉取五甲五兵曰宣諸門左無極謂令尹曰吾幾禍子子惡曰惟諸門左無極謂令尹曰吾幾禍子子惡曰子可以得志子惡取賂焉而還又謀羣帥使退其師曰乘亂不祥與乘我喪我乘其亂不亦可乎令尹使視郤氏則有甲焉不往召郤將師而告之將師退遂令攻郤氏且焚之惡聞之遂自殺也國人弗蕪令曰不蕪郤氏與之同罪或取一編菅焉或取一把禾藁國人投之遂弗蕪也令尹炮之盡滅郤氏之族

黨殺陽令終與其弟完及佗與晉陳及其子弟晉陳之族呼於國曰郤氏費氏自以為王專禍楚國弱寡王室蒙王與令尹以自利也令尹盡信之矣國將如何令尹病之

秋晉士鞅宋樂祁犁衛北宮喜曹人邾人滕

人會于扈左傳秋會于扈令成周且謀納公也宋衛皆利納公固請之范獻子

取貨於季孫謂司城子梁與北宮貞子曰季孫未知其罪而君伐之請囚請亡於是乎不獲君又弗克而自出也夫豈無備而能出君乎季氏之復天救之也依公徒之怒而啓叔孫氏懼禍之濫而自同於季氏天之道也魯君守齊三年而無成季氏甚得其民淮夷與之有十年之備有齊楚之援有天之贊有民之助有堅守之心有列國之權而弗敢宣也事君如在國故鞅以為難二子皆圖國者

○未衛二國與昭公相好皆以納公為利

○林氏曰外大夫自為會

○有天之贊有民之助

○林氏曰士鞅乃詳在會小國而以難納復命魯君

○悼公卒余擊公野

○快邾命鄉故書

○陽虎季氏家臣伐邾欲奪公

○惟疑也言天命棄君不疑其來已久

○楚平王溫良惠慈恭敬節儉

也而欲納魯君鞅之願也請從二子以圍魯無成死之二子懼皆辭乃辭小國而以難復

胡傳

按左氏魯之會令戊周且謀納公也宋衛皆利納公固請之士鞅取貨於季孫謂樂祁北宮喜曰魯君主齊三年而無成季氏甚得其民泮夷與之有十年之備有齊楚之援有堅守之心有列國之權而弗敢宣也事君如在國鞅以為難二子皆圖國者也而欲納魯君請從二子以圍魯無成死之二子懼皆辭乃辭小國而以難復文十五年諸侯盟于扈將為魯討齊齊侯賂之而不克討故在會諸侯畧而不序今此謀納公亦以賂故不克納而諸國之大夫皆序何也曰利於納公者宋衛之大夫也受賂而不欲納公者獨范鞅主之耳又况戊周之令行乎所以列序而不畧也以此見聖人取舍之大情而輕重審矣

冬十月曹伯卒邾快來奔

公羊傳邾婁快者何邾婁

之大夫也邾婁無大夫此何以書以近書也

附錄

左傳孟懿子陽虎伐邾邾人將戰于家子曰天命不懼久矣使君亡者必此衆也天既禍之而自福也不亦難乎猶有鬼神此必敗也嗚呼為無望也夫其死於此乎公使子家子如晉公徒敗于且知○楚卻死之難國言未已進昨者莫不謗令尹沈尹成言於于常曰夫左尹與中庶尹莫知其罪而子殺之以與謗讒至于今不已成也惑之仁者殺人以掩謗猶弗為也今吾子殺人以與謗而弗圖不亦異乎夫無極楚之讒人也民莫不知去朝吳出蔡侯生喪太子建殺連尹奢屏王之耳自使不聰明不然平王之溫惠其儉有過成莊無不及焉所以不獲諸侯適無極也今

○三不辜謂郤氏陽氏晉陳氏

○瓦即子常名子常引各自責言此瓦之罪

○自齊行

○魯以昭公之難為辭經所以不書戊周

又殺三不辜以興大謗幾及子矣子而不圖將焉用之夫焉將師矯子之命以滅三族國之良也而不愆位吳新有君疆場匪駭楚國若有大事子其危哉知者除謗以自安也今子愛讒以自危也甚矣其惑也

于常曰是瓦之罪敢不良圖九月己未子常殺費無極與郚將師盡滅其族以說于國謗言乃止

公如齊左傳齊侯請饗之子家子曰朝夕公使宰獻而請安子仲之子曰重為齊侯夫人曰請使重見子家子乃以君出公至

自齊居于郚

附錄左傳十一月晉籍秦致諸侯之戊于周魯人辭以難

丁敬王六年二十有八年晉頃十二齊景三十四衛靈二十一蔡昭五鄭

○六月而葬後

○乾侯在魏郡晉竟

○定公卒蘇公董立

○三月而葬速

○祁勝即臧首祁盈

○本秦板詩

定十六卒曹聲公野元年陳惠十六杞悼四宋景三秦哀二十三楚昭二吳闔廬元年

春王三月葬曹悼公○公如晉次于乾侯左傳

春公如晉將如乾侯子家子曰有求於人而即其安人孰務之其造於竟弗聽使請逆於晉晉人曰天禍魯國君淹恤在外君亦不使一介辱在寡人而即安於甥舅其亦使逆君使公復于竟而後逆○夏四月丙戌鄭伯寧之穀梁傳公在外也

卒寧公六月葬鄭定公

附錄左傳晉祁勝與郚臧通室祁盈將執惡直醜正實蕃有徒無道立矣子懼不免詩曰民之多辟無自立辟姑已若何盈曰祁氏私有討國何有焉遂執之祁勝賂荀躒荀躒為之言於晉侯晉侯執祁盈祁盈

天地之理循環無窮故其美者必有其惡存乎其間

夏以未喜駁以姐已周以衰歎三代所由亡也

共子即晉申生以驪姬而廢

悼公卒頃公結立

七縣初平陵梗陽塗水馬首孟也

三縣銅鞮平陽楊氏也

餘子晉官者卿之庶子為餘子

之臣曰鉞將皆死愁使吾君聞勝與滅之死也以為快乃殺之夏六月晉殺祁盈及楊食我食我祁盈之黨也而助亂故殺之遂滅祁氏羊舌氏初叔向欲娶於申公巫臣氏其母欲娶其黨叔向曰吾母多而庶鮮吾懲舅氏矣其母曰子靈之妻殺三夫一君一子而亡一國兩卿矣可無懲乎吾聞之甚美必有其惡是鄭穆少妃姚子之子子貉之妹也子貉早死無後而天鍾美於是將必以是有大敗也昔有仍氏生女黥黑而甚美光可以鑑名曰玄妻樂正后襲取之生伯封實有豕心貪惛無厭忿讎無期謂之封豕有窮后弄滅之變是以不祀且三代之亡共子之廢皆是物也女何以為哉夫有尤物足以移人苟非德義則必有禍叔向懼不敢取平公彊使取之生伯右伯右始生子容之母走謁諸姑曰長叔姒生男姑視之及堂聞其聲而還曰是豺狼之聲也狼子野心非是莫喪羊舌氏矣遂弗視

秋七月癸巳滕子寧卒

寧公作寧

附錄 左傳 秋晉韓宣子卒魏獻子為政分以爲三縣司馬彌牟爲郟大夫賈辛爲祁大夫司馬烏爲平陵大夫魏戊爲梗陽大夫知徐吾爲塗水大夫韓固爲馬首大夫孟丙爲孟大夫樂霄爲銅鞮大夫趙朝爲平陽大夫僚安爲楊氏大夫謂賈辛司馬烏爲有力於王室故舉之謂知徐吾趙朝韓固魏戊餘子之不職能守業者也其四人者皆受縣而後見於魏子以賢舉也魏子謂成鱣吾與戊也縣人其以我爲黨乎對曰何也戊之爲人也遠不忘君近不偪同居利思義在約思純有守心而無淫行雖與之縣不亦可乎昔武王克商光有

○按武王兄弟封國者皆蔡邕霍曾衛毛柳却雅曹滕畢原鄧鄒凡十人此言十五人紀載不同不必強為之記

○舉大雅皇矣詩

○經緯天地相錯而成九織之成文也

天下其兄弟之國者十有五人。姬姓之國者四十人皆舉親也。夫舉無他唯善所在親疏一也。詩曰唯此文王帝度其心莫其德音其德克明克明克類克長克君克王此大國克順克比。比于文王其德靡悔。既受帝祉施于孫子。心能制義曰度德正應和曰莫照臨四方曰明勤施無私曰類教誨不倦曰長賞慶刑威曰君慈和徧服曰順擇善而從之曰比。經緯天地曰文九德不愆作事無悔故襲天祿子孫賴之。主之舉也近文德矣所及其遠哉。賈辛將適其縣見於魏子。魏子曰辛來昔叔向適鄭驥茂惡欲觀叔向從使之收器者而往立於堂下一言而善叔向將飲酒聞之曰必顯明也。下執其手以上曰昔賈大夫惡娶妻而美三年不言不笑御以如舉射維獲之其妻始笑而言賈大夫曰才之不可以已我不能射女遂不言不笑夫今子少不顯

○舉大雅文王詩

○梗陽縣人有訟獄魏戊為梗陽大夫望輕不敢斷決其曲直

○屬足也

冬葬滕悼公

若無言吾幾失子矣言之不可以已也。如是遂如故知今女有力於王室吾是以舉女行乎敬之哉。母墮乃力仲尼聞魏子之舉也以為義又聞其命賈辛也以為忠。詩曰末言配命自求多福忠也。魏子之舉也義其命也忠其長有後於晉國乎。

附錄

左傳冬梗陽人有獄魏戊不能斷以獄上其太宗賂以女樂魏子將受之。魏戊謂閻沒女寬曰主以不賄聞於諸侯若受梗陽人賄莫甚焉。吾子必諫皆許諾。退朝待於庭饋入召之。比置三歎既食使子置食之間三歎何也。同辭而對曰或賜二小人酒不夕食饋之始至恐其不足是以歎中置自咎曰豈將軍食之而有不足是以歎及饋之畢願以小人之腹為君

子之心屬厭而已
獻子辭梗陽人

戊敬王二十有九年晉頃十三齊景三十五
衛靈二十一蔡昭六鄭

獻公董元年曹聲二陳惠十七杞悼五
宋景四秦哀二十四楚昭二吳闔廬二

春公至自乾侯居于鄆齊侯使高張來唁公

左傳春公至自乾侯居于鄆齊侯使高張來
唁公稱主君子家子曰齊卑君矣君祗辱焉
公如乾侯毅梁傳唁
公不得入於魯也

胡傳遣使來唁淺事也亦書于經者罪齊
侯不能脩方伯連帥之職也昔狄人
迫逐黎侯黎侯寓于衛衛人弗恤黎之臣
子勸其君以歸而賦式微其一章曰微君
之故者以事求人而人不有其事是謂微
君之故若昭公見逐出奔而齊莫之討淹

○見詩邶風篇

○以乾侯至不得見
晉侯故

○高張高偃子唁公
至晉不見受

○林氏曰此公於大
夫也禮公不獻臣莫
大夫使宰為獻

○主夏盟謂桓公

○五岳諸侯九州牧
伯語見舊四年註

○武王妃邑姜太公
女也自是齊魯累世
為婚

○復不見受往乾侯

公如晉次于乾侯左傳平子每歲賈馬具從
者之衣履而歸之干乾侯

恤日久而齊莫之納微君之故矣其一章
曰微君之躬者以身下人而人不有其身
是謂微君之躬若齊侯設禮以享而使宰
獻遣使來唁而稱主君微君之躬矣諸侯
失國託於諸侯禮也諸侯失國諸侯納之
正也齊之先世當主夏盟而太公受先王
五侯九伯之命矣魯為鄰境甥舅之國也
昭公朝夕立於其朝曾不能陳師境上訪
意如逐君之罪而遣
使唁公豈得禮乎

附錄

左傳三月己卯京師殺召伯盈尹氏
固及原伯魯之子尹固之復也有婦
人遇之周郊尤之曰處則勸人為禍行則
數自而及是夫也其過三歲乎夏五月庚
寅王子趙車入于輦
以叛陰不佞敗之

禮曰啟障不棄為
理焉也故以障裏之

公執歸馬者賣之及不歸馬衛侯來獻其乘
馬曰啟服整而死公將為之櫛子家子曰從
者病矣請以食之乃以障裏之公賜公衍羔
裘使獻龍輔於齊侯遂入羔裘齊侯喜與之
陽穀公衍公為之生也其母借出公衍先生
公為之母曰相與借出請相與借告二日公
為生其母先以告公為為兄公私喜於陽穀
而思於魯曰務人為此禍也且後生而為兄
其誣也父矣乃黜之
穀梁傳季孫意如曰叔倪無病而死
此皆無公也是天命也非我罪也
月 夏四月庚子叔詣卒 秋七

○絳晉國都有龍見

附錄 左傳秋龍見于絳如魏獻子問於蔡
墨曰吾聞之蟲莫知於龍以其不生
得也謂之知信乎對曰人實不知非龍實
知也古者畜龍故國有豢龍氏有御龍氏獻

○颶古國名叔安其君名

○喬達也亥孫之後
為喬其名曰董父

○孔甲少康之後九
世君也

○四龍為一乘此言
天帝賜孔甲以四龍

○故自古有金木水
火土五行之官

○正官長也

子曰是二氏者吾亦聞之而不知其故是
何謂也對曰昔有颶叔安有喬于曰董父
實甚好龍能求其者欲以飲食之龍多歸
之乃擾畜龍以服事帝舜帝賜之姓曰董
氏曰豢龍封諸豢龍及有夏孔甲擾于有帝帝
舜氏世有畜龍及有夏孔甲擾于有帝帝
賜之乘龍河漢各一各有雌雄孔甲不能
食而未獲豢龍氏有陶唐氏既衰其後有
劉累學擾龍于豢龍氏以事孔甲能飲食
之夏后嘉之賜氏曰御龍以事豢龍氏後
龍一雌死潛醢以食夏后夏后饗之既而
使求之懼而遷于魯縣范氏其後也獻子
曰今何故無之對曰夫物物有其官官條
其方朝夕思之一旦失職則死及之失官
不食官宿其業其物乃至若泯棄之物乃
坻伏鬱湮不育故有五行之官是謂五官
實列受氏姓封為上公祀為貴神社稷五
祀是尊是奉木正曰句芒火正曰祝融金

春秋左傳卷之三十一

○乾下乾上乾巽下
乾上姤姤乾初九變

○離下乾上同人乾
九二變

○乾下離上大有乾
九五變

○乾下兌上夬乾上
九變

○坤下坤上垢乾六
爻皆變

○坤下艮上剝坤上
六變

○民逃其上曰潰潰散逃公也

○見左傳文公二年
又成公三年

○賈誼傳云殺人若
艾草菅

○范氏曰公既出奔
不能改德脩行居鄆
小邑復使潰散德之
不建如此之甚

○唐叔晉始封君言
將守唐叔所受於周
之法度

正曰蓐收水正曰玄冥土正曰后土龍水
物也水官棄矣故龍不生得不然周易有
之在乾三之姤三曰潛龍勿用其人三
日見龍在田其大有三曰飛龍在天其夫
三曰亢龍有悔其坤三曰見羣龍无首吉
坤之剝三曰龍戰于野若不朝夕見誰能
物之獻子曰社稷五祀誰氏之五官也對
曰少皞氏有四叔曰重曰該曰脩曰熙實
能金木及水使重為句芒該為蓐收脩及
熙為玄冥世不失職遂濟窮桑此其三祀
也顓頊氏有子曰犁為祝融共工氏有子
曰句龍為后土此其二祀也后土為社稷
田正也烈山氏之子曰柱為稷自夏
以上祀之周棄亦為稷自商以來祀之
冬十月鄆潰公羊傳邑不言潰此其言潰何
梁傳潰之為言上下不相得也上下不相得
則惡矣亦譏公也昭公出奔民如釋重負

胡傳

民逃其上曰潰自是昭公削迹於魯
尺地一民皆非其有矣公之出奔處
非昏迷不返自納於晉獲陷奔之中其從
者又皆艾殺其民視如土芥其下不堪所
以潰歟然則去宗廟社稷出奔而猶不惕
然恐懼斷改過以補前行之愆也自棄
甚矣欲不亡得乎噫故書以為後世戒

附錄

左傳冬晉趙鞅荀寅帥師城汝濱遂
賦晉國一鼓鐵以鑄刑鼎著范宣子
所為刑書焉仲尼曰晉其亡乎失其度矣
夫晉國將守唐叔之所受法度以經緯其
民卿大夫以序守之民是以能尊其貴貴
是以能守業貴賤不愆所謂度也文公是
以作執秩之官為被廬之法以為盟主
棄是度也而為刑鼎民在鼎矣何以尊貴
貴何業之守貴賤無序何以為國且夫宣
子之刑夷之蒐也晉國之亂制也若之何

春秋左傳卷之三十三

以為法。蔡史墨曰：范氏中行氏其亡乎。中行寅為下卿而于上令，擅作刑器以為國法，是法姦也。又加范氏焉，易之亡也。其及趙氏，趙孟與焉，然不得已，若德可以免。
丑 敬王三十年 晉頃十四卒。齊景三十六。衛靈二十三。蔡昭七。鄭獻一。曹聲三。陳惠十八。杞悼六。宋景五。秦哀二十五。楚昭四。吳闔廬三。

春王正月公在乾侯。非公且微過也。穀梁傳：左傳不先書鄆與乾侯，中國不存公也。

胡傳 公去社稷于今五年，每歲首月不書公者，在魯四封之內，則無適而非其所也。至是，鄆潰，客寄乾侯，非其所矣。歲首必書公之所在者，蓋以存君不與季氏之專國也。而罪臣子譏諸侯之意具矣。唐武后廢遷中宗革命自立，史臣列于本紀，欲存公故也。

○林氏曰：釋不朝止于廟。

○集解云：見季氏之逐君，使居於外，齊侯之不納，君使存於晉也。

○唐高宗崩，中宗立，改元嗣聖。云：太后集百官於乾元殿，勅兵宜令廢中宗，示為廢廢王。云：委見唐書武后紀。

○昔范祖禹修通鑑，分職唐史著為唐鑑，一書取法春秋黜武氏之號，繫嗣聖之年。

○吹陽公新唐書有

○頃公卒于定公年

○二月而葬速

○緇鞞索也，禮送葬必執紼，此言鄭之先君亦有會葬于晉也。

著其罪而君子以為非春秋之法。其言曰：天下者，唐之天下，中宗受之於其父，武后安得絕先君之世，復繫嗣君之年，黜武氏之號，自以為竊取春秋之義，信矣。

夏六月庚辰，晉侯去疾卒。秋八月葬晉頃公。

頃音傾。左傳：夏六月，晉頃公卒。八月，葬鄭游吉。且送葬，魏獻子使士景伯詰之曰：悼公之喪，子西弔，子蟠送葬。今吾子無貳，何故對曰：諸侯所以歸晉君禮也。禮也者，小事大，大字小之謂事大。在共其時，命字小在恤其所無以敵邑，居大國之間，共其職貢，與其備御不虞之患，豈忘共命先王之制，諸侯之喪，士弔大夫送葬，唯嘉好聘饗三軍之事於平使卿晉之喪事，敝邑之間，先君有所助執紼矣。若其不間，雖士大夫有所不獲數矣。大國之惠亦慶其加而不計其乏，明底其情，取備而已，以為禮也。靈王之喪，我先君簡公在楚。

○傳言太叔之敏晉不能責其罪

○太伯仲雍周太王之子故為周之族胄

我先大夫印段實往敝邑之少卿也。王吏不討血所無也。今大夫曰女盍從舊舊有豐有。省不知所從。從其豐則寡君幼弱是以不共。從其省則吉在此矣。唯大夫圖之。晉人不能詰。○冬十有二月吳滅徐。徐子章羽奔楚。

作禹左傳吳子使徐人執掩餘使鍾吾人執燭庸一公子奔楚楚子大封而定其徙使監馬尹大心逆吳公子使居養芳尹然左司馬沈尹戌城之取於城父與胡田以與之將以害吳也子西諫曰吳光新得國而親其民視民如子辛苦同之將用之也若好吳邊疆使柔服焉猶懼其至吾又疆其讐以重怒之無乃不可乎吳周之曹裔也而棄在海濱不與姬通今而始大比于諸華光又其文將自同於先主不知天將以為虐乎使前喪吳國而封大異姓乎抑亦將卒以祚吳乎其效不遠矣我盍姑億吾鬼神而寧吾族姓以待其

歸將焉用自播揚焉。王弗聽吳子怒冬十一月吳子執鍾吾子遂伐徐防山以水之已卯滅徐徐子章羽斷其髮攜其夫人以逆吳子吳子嘗而送之使其邇臣從之遂奔楚楚沈尹戌帥師救徐弗及遂城夷使徐子處之

附錄

左傳吳子問於伍員曰初而言伐楚何如對曰楚執政衆而乖莫適任患若為三師以肄焉一師至彼必皆出彼出則歸彼歸則出楚必道敝亟肄以罷之多方以誤之既罷而後以三軍繼之必大克之闔廬從之楚於是乎始病

庚敬王三十有一年 晉定公午元年。齊景三

入。鄭獻三。曹聲四。陳惠十九。杞悼七。宋景六。秦哀二十六。楚昭五。吳闔廬四。

○闔廬訪問於伍子胥言先時汝言伐楚之利在二十年

○適歷晉地書公在
乾侯季孫意如會晉
干適歷以見晉人釋
君而助臣也晉士鞅
會諸侯之大夫于廬
將以納公取貨於季
孫而遂不果荀躒復
為此會昭公所以死
于外也襄昭之際大
夫無君之禍晉人為
之也

○二十六年齊侯將納公貨梁什據而不納二十七年會于廬且謀納公貨范獻子而不
納皆意如之意行也

○湯公伯會次子魯二世之君季平子逐昭公而懼乃禱於湯公之廟

○周禮家人凡死於
兵者不入兆域
謂如范鞅在定公
十三年入晉陽以叛
荀寅士吉射入朝歐
以叛哀公六年齊陳
乞弒其君之類是也

○可見可知謂其釋
君助臣之罪也

○將使意如迎公故
荀躒來唁

春王正月公在乾侯左傳言不季孫意如會

晉荀躒于適歷躒力狄反公穀作櫟後同左

傳晉侯將以師納公范獻子

曰若召季孫而不來則信不臣矣然後伐之

若何晉人召季孫獻子使私焉曰子必來我

受其無咎季孫意如會晉荀躒于適歷荀躒

曰寡君使躒謂吾子何故出君有君不事周

有常刑子其圖之季孫練冠麻衣跣行伏而

對曰事君臣之所不得也敢逃刑命君若以

臣為有罪請囚于費以待君之察也亦唯君

若以先臣之故不絕季氏而賜之死若弗殺

弗正君之惠也死且不極若得從

君而歸則固臣之願也敢有異心

胡傳左氏曰晉侯將以師納公士鞅曰若

之若何晉人召季孫鞅使私焉曰子必來

我受其無咎意如出君不事專有魯國晉

實主盟不能致討而寵以會禮不亦悖哉

或曰季孫事君如在國未知其罪而君伐

之是昭公之過也則非矣行貨齊晉使不

納公禱於湯宮求君不入及其復也猶欲

絕其兆域加之惡謚安在乎事君如在國

猶曰未知其罪乎齊晉不能誅亂禁姦悖

春秋經傳集解

卷三十三

十一

○獻公卒子襄公定

立

○將使意如迎公故

荀躒來唁

○晉侯使荀

躒

夏四月丁巳薛伯穀卒左傳同

盟故書

○晉侯使荀

躒

公于乾侯左傳夏四月季孫從知伯如

乾侯子家子曰君與之歸

意之不忍而終身斬乎公曰諾衆曰在

一言

矣君必逐之荀躒以晉侯之命信公且曰寡

君必逐之荀躒以晉侯之命信公且曰寡

君必逐之荀躒以晉侯之命信公且曰寡

君必逐之荀躒以晉侯之命信公且曰寡

君必逐之荀躒以晉侯之命信公且曰寡

君必逐之荀躒以晉侯之命信公且曰寡

君必逐之荀躒以晉侯之命信公且曰寡

君必逐之荀躒以晉侯之命信公且曰寡

君必逐之荀躒以晉侯之命信公且曰寡

君必逐之荀躒以晉侯之命信公且曰寡

君必逐之荀躒以晉侯之命信公且曰寡

君必逐之荀躒以晉侯之命信公且曰寡

君必逐之荀躒以晉侯之命信公且曰寡

君必逐之荀躒以晉侯之命信公且曰寡

○夫人謂季孫

○已昭公自稱言此
身能復與季孫相見
者言當受禍明如河
水指此自誓也

○傳曰邾黑肱也其
不係之邾濫室自別
於邾也圍戚不自圍
衛戚取鄆不曰取我
鄆皆如一君之辭也

○二十年豹殺衛侯
元欲求不長強禦之
名

○邾庶其在襄二十
一年

○莒牟夷在五年

○權權也春秋權
衡之法
○文微而義著辭婉
而直別

君使驟以君命討意如意如不敢逃死君其
入也公曰君惠顧先君之好施及于人也將使
歸糞除宗祧以事君則不能見夫人已所能
見夫人者有如河荀驟掩耳而走三寡君其
罪之恐敢與知魯國之難臣請復於寡君退
而謂季孫君怒未怠子姑歸祭于家子曰君
以乘入于魯師季孫必與君歸公欲從之
衆從者魯公不得歸穀梁傳言公不得入於
魯也曰既為君言之
矣不可者意如也

秋葬薛獻公

附錄

左傳秋吳人侵楚伐夷侵沓六楚沈
尹戌帥師救蔣吳師還楚師還蔣于
南岡而還吳師圍弦左司馬戌右司馬稽
帥師救弦及豫章吳師
還始用于齊之謀也

冬黑肱以濫來奔
故也君子曰名之不可不慎也如是夫有所
以濫來奔賤而書名重地

有名而不知其已以地叛雖賤必書地以名
其人終為不義弗可滅已是以君子動則思
禮行則思義不為利回不為義疚或求名而
不得或欲蓋而名章懲不義也齊豹為衛司
寇守嗣大夫作而不義其書為盜邾庶其莒
牟夷邾黑肱以土地出求食而記不求其名
賤而必書此二物者所以懲肆而去貪也若
艱難其身以險危大人而有名章徹攻難之
士將奔走之若竊邑叛君以微大利而無名
貪冒之民將宣力焉是以春秋書齊豹曰盜
三叛人名以懲不義數惡逆無禮其善志也故
曰春秋之稱微而顯婉而辨上之人能使昭
明善人勸焉淫人懼焉是以君子貴之公羊
傳文何以無邾婁通濫也曷為通濫賢者子
孫宜有地也賢者孰謂謂叔術也何賢乎叔
術讓國也其讓國奈何當邾婁顏之時邾婁
女有為魯夫人者則未知其為武公與懿公
與孝公幼顏淫九公子于官中因以納賊則

未知其為魯公子與邾婁公子與臧氏之母
養公者也君幼則宜有養者大夫之妾土之
妻則未知臧氏之母者為者也養公者必
以其子入養臧氏之母聞有賊以其子易公
抱公以逃賊至奏公寢而弑之生有鮑廣父
與梁賈子者聞有賊趨而至臧氏之母曰公
不死也在是吾以吾子易公矣於是負孝公
之周訴天子天子為之誅顏而立叔術反孝
公于魯顏夫人者姬盈女也國色也其言曰
有能為我殺殺顏者吾為其妻叔術為之殺
殺顏者而以為妻有子焉謂之肝夏父者其
所為有於顏者也肝幼而皆愛之食必坐二
子於其側而食之有珍怪之食肝必先取足
焉夏父曰以來人未足而肝有餘叔術覺焉
曰嘻此誠爾國也夫起而致國于夏父夏父
受而中分之叔術曰不可三分之叔術曰不
可四分之叔術曰不可五分之然後受之公
扈子者邾婁之父兄也習平邾婁之故其言

○午南方楚之位也
午火庚金也日以庚
午有變故災在楚楚
之仇敵惟吳故知入
郢必與火勝金者金
為火妃食在辛亥亥
水也水數六故六年
也午火勝庚金楚氣

曰惡有言人之國賢若此者乎誅顏之時天
子死叔術起而致國于夏父當此之時邾婁
人常被兵于周曰何故死吾天子通濫則又
何以無邾婁天下未有濫也天下未有濫則
其言以濫來奔何叔術者賢大夫也絕之則
為叔術不欲絕不絕則世大夫也大夫之義
不得世故於是推而通之也穀梁傳其不言
邾黑肱何也別乎邾也其不言濫子何也十
也非天子所封也來奔內不言叛也

有二月辛亥朔日有食之

左傳是夜也趙盾
子夢童子羸而轉
以歌旦占諸史墨曰吾夢如是今而日食何
也對曰六年及此月也吳其入郢乎終亦弗
克入郢必以庚辰日月在辰尾庚午之日日
始有識火勝

辛敬王三十有二年 晉定二。齊景三十八。衛
靈二十五。蔡昭九。鄭獻

○公別居乾侯遣人

○吳始伐越

○世叔申世叔儀孫

也國參子產子也

諸侯有事于京師皆

不書傳十三年十六

年成周不書襄二十

四年城周不書以是

為常事也書城成周

則請而後城之是非

常也是役也晉魏舒

南面韓不信事執于

齊師宋仲幾不受取

齊高張後大夫之無

而曰成周以見周與列國等耳

四曹聲五陳惠二十杞悼八宋景
七秦哀二十七楚昭六吳闔廬五

春王正月公在乾侯左傳言不能用其人也取闕

公羊傳闕者何邪婁之邑也曷為不繫乎邪婁諱也夏吳伐越左傳

始用師於越也史墨曰不及四十年越其有兵乎越得歲而吳伐之必受其凶

七月○冬仲孫何忌會晉韓不信齊高張宋

仲幾衛世叔申鄭國參曹人莒人薛人杞人

小邾人城成周世叔毅作大叔莒人下公有

月王使富辛與石張如晉請城成周天子曰

天降禍於周俾我兄弟並有亂心以為伯父

憂我一二親暱甥舅不皇啓處於今十年勤

戍五年余一人無日忘之閱閱焉如農夫之

堯師宋仲幾不受取齊高張後大夫之無

堯師宋仲幾不受取齊高張後大夫之無

堯師宋仲幾不受取齊高張後大夫之無

堯師宋仲幾不受取齊高張後大夫之無

堯師宋仲幾不受取齊高張後大夫之無

堯師宋仲幾不受取齊高張後大夫之無

堯師宋仲幾不受取齊高張後大夫之無

堯師宋仲幾不受取齊高張後大夫之無

堯師宋仲幾不受取齊高張後大夫之無

堯師宋仲幾不受取齊高張後大夫之無

○彪復衛大夫
○舉不雅板詩

○林氏曰子朝之亂其餘黨多在王城敬王長之徙都成周成周餘小故請城之

○見左傳昭公二十三年

○不覺于路寢言失所也

○陪副也謂王有公諸侯有卿

○舉小雅十月之交詩

○乾下震上太壯震在乾上故曰雷乘乾

○鄭伯突在桓公十五年
○衛侯術在襄十四

物土方議遠邇量事期計徒庸慮財用書餼糧以令役於諸侯屬役賦文書以授帥而效諸劉子韓簡子臨之以為成命穀梁傳天子微諸侯不享觀天子之在者惟祭與號故諸侯之大夫相帥以城之此變之正也

胡傳

天子有道守在四夷今至於城王都周者京師衆大之稱成周地名也與列國等矣

十有二月己未公薨于乾侯

左傳十二月公薨于乾侯

夫不受賜子家子雙琥一環一璧輕服受之大夫皆受其賜己未公薨于乾侯子家子反賜於府人曰吾不敢逆君命也大夫皆反其賜書曰公薨于乾侯言失其所也趙簡子問於史墨曰季氏出其君而民服焉諸侯與之君死於外而莫之或罪也對曰物生有兩有三有五

有陪貳故天有三辰地有五行體有左右各有妃耦王有公諸侯有卿皆有貳也天生季氏以貳魯侯為曰久矣民之服焉不亦宜乎魯君世從其失季氏世脩其勤民忘君矣雖死於外其誰矜之社稷無常奉君臣無常位自古以然故詩曰高岸為谷深谷為陵二后之姓於今為庶主所知也易卦雷乘乾曰太壯三三之道也昔成季友桓之季也文姜之愛子也始震而卜人謂之曰生有嘉聞其名曰友為公室輔及生如卜人之言有文在其手曰友遂以名之既而有大功於魯受費以為上卿至於文子武子世增其業不廢舊績魯文公薨而東門遂殺適立庶魯君於是子失國政在季氏於此君也四公矣民不知君何以得國是以為君慎器與名不可以假人

胡傳

諸侯失國出奔者衆矣鄭伯突為祭仲所逐而出奔入于櫟而復國衛侯

年襄二十五年入夷儀二十六年復國

○推挽之者謂世叔儀與母弟鱄

○季友生行父文子行父生宿武子宿生意如平子凡四世歷太公

○如諫伐季氏及早如晉之類

○跋扈解見前漢冲帝曰深冀曰此跋扈將軍也冀深惡之遂弑帝

○史墨曰魯君世從其失季氏世脩其勤民忘君矣雖死於外其誰矜之社稷無常奉君臣無常位自古以然此為君之可戒者也

春秋四傳卷之三十三

衍為孫甯所逐而出奔入于夷儀而復國昭公在外八年終以客死為天下笑何也祭仲雖專而世權不重於季氏衛侯失國猶夫入也而有推挽之者所以雖失而復得也魯自季友受費以為上卿至於意如專執國命四世矣其臣皆季氏之子也其民皆季氏之獲也而昭公有子家駒言不見聽計不行也昭公雖失國然春秋詳錄其所因為後世之戒公雖失國然每歲之首月必書公在乾侯誅意如也書齊侯取鄆公圍成鄆潰絕昭公也為人臣者觀每歲必書公所在必不敢萌跋扈不臣之心為人君者觀春秋所書圍成鄆潰知社稷之無常奉也亦必少警矣嗚呼可謂深切著明者矣

